



文苑英華卷第八百八十六

碑四十三

神道四

將相四

太子太傅貞憲趙憬神道碑一首

太師忠武公渾瑊碑一首

尚書左僕射宣武軍節度使董晉神道碑一首

故正議大夫守門下侍郎同中書門下平章事成

紀縣開國男賜紫金魚袋贈太子太傅貞憲趙公

神道碑銘

權德輿

在漢孝宣厲精理道則有魏相通故事丙吉知大體百職
脩明中興有聲惟皇帝在位十四祀得賢相成紀公趙氏
受天清淳佐時緝熙本洪範之正直躬大雅之明哲左輔

右弼調若鼎味降祥而生盡瘁而終時貞元十三年年六十一皇上震悼不視朝三日詔奉常具儀法冊贈太子太傅又俾百執事為位哭於其庭吊祠禮贈集作率有加等

二府之屬或銘其德於壽堂或狀其行於考功有司稽實謚曰貞憲公之盛業斯謂不朽又舉其始中終之畧識于神道公諱憬字退翁天水西人其先成子之文宣子之忠

文子之知人左丘明太史公實書之曾王父仁本皇司列少常伯同東西臺三品以忠清勵翼多所發明乾封惣章之祭號為稱職王父贈趙集作州都督誼歷右司郎中乾

封縣令司僕少卿烈考贈鄭州刺史道先仕至洪州錄事叅軍惟祖禰含童故慶延追錫崇構丕矩復大於公公保

抱之歲生知色養羈冠集作之年則無幼志及夫被儒

踐法言敬直而文肅莊而溫端誠博物錯綜古今非大中至正不接於心術寶應中玄宗崩肅宗幸梓宮有司議方

中復土之制時西鄙日聳歲饑人流公以王者追孝恤禮宜儉褐衣上疏詞約指明君子曰此劉更生諫昌陵之言

也息偃江介名聲籍甚始佐州司乃辟戎車自試守江夏尉三遷至監察御史其後翹車繼轍賢侯虛左大凡難理

之府皆待公為重歷殿中侍御史太子舍人集作丁大夫

人憂柴毀孺慕殆將死孝感導善氣降為嘉生有芝煌煌秀于壤樹之側公默而去之人莫知者既免喪徵拜水部

員外郎未幾檢校工部郎中副湘中七州軍事居一年詔

領留府尋踐方伯以中執法錫金印紫綬罷職家居拜給
事中執法疊懷和比狄有下嫁冊命之禮復兼憲丞以副
皇華旋軫未至遷尚書左丞峻人用彰皆以貞勝其初撫
封上狩于漢中守臣之任憂寄愈切公恤隱布和仁而愛
人輿師知訓善吏樂職行之三年教化明備底貢有藝賦
政不煩繁矩以杜奇袞露章而無吐茹飛語雷動明誠山
立受代踰年事實敷聞故有左曹之命講貫舊章惟真是
視刑或失入議將必還公望日盛其勤靡監故有和戎之
役致賜諭旨協寧殊憐疆場之言專對而不給紀綱之僕
承事而不征保就安利北方咸悅故有在途之拜整南宮
之紀律起郎吏之功緒風望素重法制尤精嘗歲終舉其

可以長人者或以其細故深詆將以病公公乃移書自

請下其考有博大之度無怨欲之私一臺承式六轡在手

持綱體要善否有章故積公輔之望貞元八年夏四月拜

中書侍郎平章事明年五月轉門下侍郎以厚德載物以

全才宣化舉直盡忠敷納詳集作明正王集作度之本去

一朝之便事有統紀心無面從嘉猷匡英華被言鎮定弘

大謙厚而不伐持平而居易闢邪塞遠貞厲而不校陟恪

始終帝載用和戲疑夫先正集無帝伯歷左肅機東臺侍

郎克著休功再叅大政公皆踐之是以仰之嘗以為漢庭

諸公罕備有集作用以石慶之醇謹而不能關決薛宣之

方畧而失於煩碎翟方進之通明而固其位公孫弘之節

儉而近於名公備集作有其長彼實多缺唯丙魏所履我

無愧焉嚮使天與之年盡行其道則天之所化可勝既乎

故其登庸也士之仁者相賀而不仁者相吊其金歸也士

之仁者相吊而不仁者相賀斯可知已至若睦中外之姻

而均其祿賜嚴宗廟之祀而不理第室啓手足之日家無

餘財奉終卽遠待恩禮而後備難矣哉嗣子宣亮全亮元

亮承亮等伯季以門子爲弘文生叔仲始鮮巾受祿皆稟

德風幼而孝謹以十一月景午時得吉卜奉公之喪祔窆

于河南緱氏縣景山之原禮也以德輿叨居宰士嘗辱深

知職奉贄書備詳盛烈俾刻金石聞于無窮銘曰

晉有成宣代稱忠勳先正常伯匪躬事君績復於公爲時

獻臣德不踰閑心不違仁貞其所履以翼天子大猷

猶

是經中立不倚乃賦明命宜躋遐紀吾道方伸脩途遽已

緱原蒼蒼宰樹成行令名章章樂石在旁噫嘻太傅之風

永代不忘

故朔方河中晉絳邠寧慶等州兵馬副元帥河中

絳邠節度度支營田觀察處置等使元從奉天定

難功臣開府儀同三司檢校司徒兼中書令河中

尹上柱國咸寧郡王贈太師忠武渾公神道碑銘

前人

天地訢合以生萬物

文粹作嘉集作卉

其成歲功也則有肅殺震

曜之助焉君臣保乂以熙百志其講武功也則有經綸翼

戴之輔焉龍蛇起蟄山澤通氣與運相值有開必先斯太師所以宣力四代稽謨七德輝煌威靈勤身濯行集作是征

集作擊風行乃緝熙于光明故琬戈淑旂以嚴師律黃流

玄衮以正台耀湛露彤弓以覺報宴納書追命以榮恤禮

蕃錫始終如公之功公諱城字某其先夏姒之後為淳維

漢劉之代為渾耶或強以文粹無為國集作或強或分以

保文粹無姓貞觀中開置州壤就加官師曾祖元慶皇豹

韜衛將軍靈丘縣開國伯祖大文粹壽皇太子僕贈尚書

左僕射考釋之皇開府儀同三司太常卿兼御史中丞寧

朔郡王贈司空惟靈丘紹先公之職居次卿之重僕射以

積厚充家寧朔以偉才雄邊貴仕崇勳乃列茅社流光追

遠是加密印回復介社開先元臣功昭于前人德合于太

君建中癸亥翠華西狩公以大司馬艱貞翼從部勒戎車

揣摩殺機勤勞行內為上心膺登壇授律誓命交感如漢

拜淮陰侯故事而又加焉乃進左揆遂參大政惣賦輿而

為之師長恢王畧而以之比伐兇黨盡銳壁于武亭公以

事鉅師老則傷威重正合奇勝在於疾力奮寡擊眾鼓行

無前殲夷潰弱如建瓴水中堅席勝又覆於咸陽長轂啓

行既闢于延秋會西平王以東諸侯之師清宮獻捷公乃

抑其賈勇須彼成功室士心之尅伐息兵火之氣焰然後

窮追斬級寇孽以平備法從於清蹕捧大明於黃道告類

薦功登拜上台撫封尹正復與虜确文粹時北平王出大

鹵收絳臺而公已惣成師下左輔於是緝忠力揚奇鋒復
離宮拔堅壘衡陣壓境傳于蒲津金鼓之聲氣相合山河
之表裏皆復渠魁授首師帥協附安流以濟方軌而前士

不離傷文粹作離傷工不易肆二文粹作珍寇正刑四方咸穌

論道正律乃平水土秉誼靖人以脩班制休嘉賁于草木

利澤逮于鰥寡言為軍志動為吏師貞元景子政成一紀

進掌邦教遂居右弼十五年冬寢疾集作病十二月辛未薨

于理所享年六十四皇上悼歎不視朝五日冊贈太師賻

集作賜隧吊祠有司備物大僚襄物明年二月甲申葬我大

師于萬年縣洪固原太常跡其功德奏謚曰忠武禮也初

公年十一以將門子仕于邊部本弱冠五遷至左驍衛將軍

軍始從朔方之師戰黑山次從隴右之師摧石堡又嘗所

出臨洮奪昆夷之善地而為之壁壘北絕太漠破險稅之

堅甲而焚其廬帳又從汾陽王臨淮王討反虜于山東南

攻贊皇北取真定射其特將李立節貫于左肩斃之又五

遷至太常卿皆以功次其間開地于河曲以靜九蕃宣威

于陝西乃定三川凡王師之所以尅獲都邑元老之所以

發揚蹈厲公必居其先偏而當其勅劇故以御史中丞為

靈州左司馬以御史大夫為邠州刺史以工部尚書為單

于大都護專征上郡榆林之地入為左金吾衛大將軍又

以戶部尚書奉晉王出車之重自時厥後投艱感慨能納

大忠以恤大事理蒲十六年再陟公台以司空兼侍中以

司徒兼中書令大凡歷官二十八次真食千八百室居節制者五副元帥者四材力絕人始封樓煩方內洽平乃進咸寧凡汾陽王九代之勲公皆左右四履之地公皆踐歷憫冊師禮法謚尊名公皆如之所不至者壽而已矣惟公厚性寬中智謀深靜秉義類以賦明命植端誠以糾王慝講功述職遠意長利執德之柄蹈禮之輿致其用以格天啓其心以沃聖協建皇極為宗工元龜雅好左氏春秋班氏史得考父之恭范宣之讓驃衛之功畧黃韓之教化又嘗慕太史公自叙著作集無作字行紀文粹作已一篇詞不矜大而事皆明備有子五人曰殿中少監鍊太子中允鎬太子司義郎鉅櫟陽尉鋼雲陽尉鐵著位于兩宮以奉朝請試吏

于縣內以脩事任食德而才稟訓而忠皆以純孝致其敬令弟輔國大將軍右領軍衛將軍武當郡王玘與諸孤等推承爨景鍾之義因識著作表以聞有詔詞臣刻石傳信乃採其贊書侯表作神道銘銘曰

北載斗極陰方尚武玄金朱轡錫命都府太師間代感會雲雨四征庇人九合尊主昔未成童則能肆勤卓行深入致果忘身弱冠摧鋒環列南軍中興之後書社策勲援抱兩河轉戰三秦靈朔郇邠所居必聞出統蕃衛入司徼循時丁阨難節冠群倫逋誅煽結狂穢宮闕西平鞠旅公亦授鉞既臨延秋如火烈烈休士退舍時惟不伐侵疹乖方蒲津未通北平釋位公實撫封胥命長春克成厥功開壁

勞軍靡有不公以律則臧在和而克時惟太師有嚴有翼
乃敷仁澤乃布條職時惟太師有功有德三公二府是獎
是陟遂印易名以尊以飾材官介士鹵薄悽惻大隧解原
終二本南之北萬邦作憲未代是式追琢馨香與唐無極

故宣武軍節度副大使知節度事管內支度營田
汴宋毫穎等州觀察處置等使金紫光祿大夫檢
校尚書左僕射同中書門下平章事西郡開國公

贈太傅董公神道碑銘

前人

漢興五代孝武思理膠西相陳天人之際王道之端昌言
大對統紀條貫純嘏積厚遠而寢明帝唐九葉順考古道
隴西公兼集作將相之重承尉衛之崇恪心宣力作率

陔恪宗工能積其烈公諱晉字混成河東虞鄉人廉忠

溫厚絜矩通理秉義以立故不為利疚知動之微故每與

告疑作會初肅宗受端命以合兵車思欲去元元於湯火

致王度於金玉以文告威讓遠猷密命之為重也故公解

巾披荆校文視草凡三徙官被以采章代宗御天下乃清

吏職以為文憲彌綸陪貳事任百辟交脩則理道洽故公

再入御史府三為尚書郎歷祕書丘長府奉常武侯之亞

今上建皇都以纂鴻業思代天工俾寧方內故公出入屯

夷昭明有融中居大僚以至柄用貞元五年春三月拜門

下侍郎同中書門下平章事居五年除禮部尚書用耆碩

俊德轉遷兵部分正弘化以本官畢命為東都留守東都

畿汝州都防禦使安危注意以左揆持相印充宣武軍節
度汴宋毫穎等州觀察處置等使十五年二月丁丑薨于
位享年七十六罷朝三日追命大傅有司易其名曰恭惠
職喪法賻皆俊彞等所以視其踐履而加優之也初公以
祠部郎爲出疆從事北方之強驕蹇忤負伐功怙力徵我
厚弊使臣指顧公攝其詞詞達氣直虜皆震伏殫威命於
專對輝光華於外區仁者之勇沛然餘力其爲太府未浹
日而理乃耳貂蟬實兼憲丞含章以承顧問秉直以司紀
集作純律脩起故事京師肅然其爲華州徵赴行內以祭酒
亞相使于北河其往也薊門不出關東多壘習俗故態且
相附離公則破其從約使循軌道其還也蒲坂旣阻王宮

未清婪婪二逆恣睢相合公則折其兇謀因以鬱浚憑
有勞扈蹕而旋益用尊禮大其職業司徵循也五校嚴備
持重而不苛處網轄也六職遵脩舉直而不紊典禮樂也
百神咸秩薦信而不黷其爲相也上載元聖下熙百工柔
惠小物協寧大政推明常古之制章叙理平之業粹和而
不耀敬讓而不居言陳於前不可悉數拜章八上然後得
請其撫封也尤爲難理先是在宥推恩叅授兵柄至有恃
凶器以邀好爵者氣燄不還風波相沿是邦再亂人用恟
恐上以爲陳留天下之郊也非素重臣不可以率先賦政
公旣受命與一二從事記室儒服而前不待裏言不恃悍
衛寬信夷易闡然風行長城大蔡蘊在靈府悍將伏罪齊

人樂業四隣諸侯折中於公居四年政成力疾累求入覲
因條陳利病請制於未然上難其繼以致沒代噫夫一邦
之人得公而理失公而亂刼介夫殺大吏猶原燎川潰於
不可遏嚮公之嘉猷密䟽如前知焉其明智歟董氏在春
秋時書法不隱在戰國時贊明命聞於諸侯自膠西而下
淳耀溢大在魏有司徒昭在蜀有尚書令允扶義納忠以
幹機衡其族舊矣公會祖仁琬皇州博士祖大禮贈右散
騎常侍考伯良開州新浦主簿贈尚書左僕射三代有令
德而無責任蕃祉所鍾發為追崇宜哉有子四人秘書省
著作郎全道秘書郎溪大理評事全素太常寺太祝澣等
其承學也專其就列也敬斬焉而孤纍然以哀日於先

其集作 年十月丁酉奉理命家法薄葬公

河南縣萬安山之原以前夫人南陽張氏繼夫人京兆韋
氏祔焉從周禮也惟公自筮仕至捐館四十五年無伐善
無違德歷官三十六皆以理効聞自建中以還居中分閫
再調擢實一人而已范文子所謂厚德者能享多福惟公
有之全道等猶懼懿鑠之不永于後與陵谷之有遷也以
德輿奉行公之命書者三宜金石刻故跡其誅謚而為之
銘其詞曰

后王財成雋又昭明以建皇極甫申居內方邵理外周邦
是式於惟隴西求福不回文武宣力調和公餗整訓長轂
柔惠且直膠西章章道可佐王屈相下國綿代儲慶至公

文苑英華卷第八百八十六
盛位實配德子子于旗昔往浚都俗既紓息翻翻素旗
今旋洛師人用悽惻惟是壤樹資於四布萬安之側德輝
在茲末代有詞于以篆刻

文苑英華卷第八百八十六

碑四十四 神道五

將相五

文苑英華卷第八百八十七

齊成公神道碑一首

左僕射賈耽神道碑一首

故中書侍郎同中書門下平章事太子賓客贈戶

部尚書齊成公神道碑

權德輿

有唐文學政事之君子曰相國齊成公諱抗字遐舉清方

粹溫絜矩秉懿明誠盡性切磨集作化育之道精義入神

旁魄天人之際以忠事君以病乞身乃去台宰乃儕商皓

然後徹琴瑟啓手足歿齒無違德以從先大夫於九原易

名曰成不亦宜乎公定州義豐人自太公表東海桓公匡

天下爲國爲家或哲或仁烈祖贈太師府君諱澣歷給事

中中書舍人吏部侍郎止於平陽太守出入陟降中行山
立至今言開元名臣者稱公有遺直遺愛焉實生先公贈
國子祭酒府君諱翽履道貞厲仕至左龍武軍倉曹積厚
於上流光於下其位不克故大受於公公既薨而孤哀過
成人屬幽陵橫潰中夏如燬奉太夫人安輿違難於越得
子州支伯之故地而偕隱焉誅草茅以順居息悅山水以
資仁智方茂天爵用觀靈龜嘉招重問奔走以狎至虛已
弘道從容而翔集吳郡張相君鎰方以仁義理濠上得君
爲榮及進律于成師于岐累爲命介若驟有鞞建中中戎
王謀大和會以休寧西方右扶風綿亘汧隴地當蹀脫且
有成命正其經界公實佐中權登壇蒞盟得其情數與之

納結克就衣裳之會用銷邊鄙之警自解中三遷至殿
侍御史俄屬涇旅竊發群兇挺災天兵展義於甸內王公
死難於理所百舍奔問至于行宮拜侍御史有詔以蕭黃
門復布愷澤于東夏命公爲工部員外郎以贊焉復命轉
倉部郎中李懷公阻命于蒲連兵未解關中飢旱經費不
足轉粟饋軍濟時之艱患求才急病命使以轉達遷兵部
郎中兼御史中丞以董其任俄拜諫議大夫當軸者不相
容坐婚親細故出爲處州刺史先是山越寇攘蕩覆城寺
公乃卜勢勝之爽愷因習俗之便安三時不害百堵皆作
朝典陟明拜蘇州刺史吳實劇部大田多稼浮淫冒沒吏
禁或弛占著名數戶版不均公乃閱其生齒書其比要強

家大猾不得蓋藏公特單騎與之紆息已日乃孚厥猷茂
焉遷潭州刺史御史中丞湖南觀察使以嚮時二郡之理
而弘大之其仁可知也左曹理本微為給事中周郊寄重
擢為河南尹盜有宋瞿曇者白晝推剽為郡偷囊橐三川
病之幾三十年公法令嚴具網絡張設名文粹捕魁宿使
無遺類指顧之間擒擿如神乃作秘書章明文雅脩舊以
起廢乃作太常統和神人節事以辨志便蕃大僚其道乃
光德宗皇帝方以堯舜氏聰明之道馭天下用賢人克相
位拜中書侍郎同中書門下平章事熙九功之歌質百官
之成損益文獻化裁形器精微以折衷密靜而不伐或事
隱於造膝或言行於沃心初天官氏每歲表他曹郎二人

關多士試言第其甲乙春官氏俾考功郎文粹有中字有選考

之親故者而進退之公以冢宰少宗伯為官人取士之本

蓋天子有司之重一有寄字至於避小嫌亂舊章適滋岐旁孰

謂苟鑄蹇蹇坦坦之道豈如是耶然後闢康莊付文粹衡

尺遵公是之路去自便之私天下之人謂之理道尋有詔

脩國史昔孔父無位以空文為一王法公當盛聖之代用

宰司惣直筆其於褒貶勸懼明焉勤慮盡瘁積成寢恙累

章乞告改太子賓客遭罹不淑贈戶部尚書時貞元甲申

歲夏四月春秋六十有五夫人河南獨孤氏某官某之女

賢明蚤夭繼夫人蘭陵蕭氏某官某之女仁順有禮法嗣

子鍊銜恤毀瘠侍公裳帷以某月日祔于東都某原喪祭

哀敬君子以為有後惟公深而通肅而寬出處動靜必以
中正敬用五事暢於四支資性儼恪尤長鑒裁在岐也薦
齊忠公映佐蕭也薦盧恭公邁皆至丞相其他推轂下士
為朝廷臣成天下重名碩望者不可勝書凡所論者皆研
幾析理弘雅夷遠洪州文宣王廟碑張蕭盧三相國碑誌
本聖人教化之蹟推大政睿明之道固其性術講貫而發
舒乎斯文文集二十卷中倫體要盡在是矣公薨五年鍊
調為洛陽尉永惟先烈未刻豐碑以德與夙承湖海之舊
中忝掖垣之屬他日舉代靡形話言獲於遺編實見陰德
顧茲無似有玷知人濡涕含毫以表幽宅銘曰

昔在營丘大風泱泱有倬平陽令聲音章不踐宰政貽慶

子姓含曹含光大學追命厥生中書秉慙

集作誓
通用

居政

正 鵬起扶搖鸞翔慶霄乃登紫微以瑞清朝吉凶糾纏寒

暑結轡其生有涯其用無極壽堂冥冥冢樹森植揭茲馨
香終古是式

左僕射賈耽神道碑

鄭餘慶

公諱耽字敦詩其先長樂人也七代祖元楷因葛榮之亂
避地始徙家於浮陽隋開皇中改浮陽為清池今為清池
人也烈祖遠則皇德州長河尉祖知義皇沁州沁源主簿
贈揚州大都督考琰之

唐宰相世系
表作元琰

贈尚書左僕射皆才

光道溢器位非偶積善有遂鍾于魏公公天寶十載明經
高第乾元中授貝州臨清尉州縣之職與公非宜兵戈甫

興時不韜才公詣闕獻書授絳州太平尉太原節度王思
禮察公器重識高涵泳萬頃署度支判官轉試左驍衛兵
曹試大理司直監察殿中侍御史職並如故遂遷檢校繕
部員外郎兼太原少尹侍御史北都副留守仍賜金章紫
綬就加檢校禮部郎中凡歷數使賓待益重竒才愈茂弘
器日彰天下士君子推公為棟梁遷汾州刺史在郡七年
憺怛之愛忠利之教序四器導五常百姓日用而不知熙
然致於仁壽鳥足語其瑣細歟徵拜鴻臚卿兼左右威遠
營使通夷狄之情序賓客之位其有素矣是歲拜梁州刺
史兼御史中丞山南西道節度觀察度支營田等使加朝
議大夫封廣州男時守臣梁崇義恃漢水峴山之險負固

徧強公受詔領麾下公江東討降均州屯穀城所向皆捷
以功加銀青光祿大夫上以慎理軍旅以信夷夏邊封諭
清而百姓晏安是時故山南西道節度使相國鄭公震洎
邠軍節度使張僕射獻甫或為部刺史或為都將皆雄毅
宏達常流不及忌能飛語危疑是懼軍帥之例罕有全度
公前推信誠中發坦蕩咸以事曉加之慰薦竟垂忠勳兼
佩將相引張推轂受服微公之恢朗洞識二人曷能臻歟
在鎮三年遷檢校工部尚書襄州刺史御史大夫山南東
道節度觀察使會李希烈亂常朝廷致誅詔公為司徒梁
公勉招討副使以公懿德懷姿不宜為副寇難未平徵拜
工部尚書職崇喉舌望允台鼎俄以本官兼御史大夫東

都留守判東都尚書省事充東都畿汝州都防禦使又加東都畿唐汝鄧州都防禦觀察使舊例居守不出王城公以射藝絕倫氣橫秋霜德宗知公信在言前優詔特許薄狩郊甸允所謂珪璋特達之德也遷檢校尚書右僕射充義成軍節度鄭滑等州觀察處置等使屬有鄰師戍兵護邊魚服鴟冠異軍三千公弛析罷警門闔洞開慮其未安重延廊廡坦易信誠挺出今古海濤山峙茫茫屹屹培塿賦澹安得不服其洪濤峻嶠歟凡更四鎮踐履如一尋以風疾懇形封章御札名方與十金之醫馳賜不允陳讓俄而護疹貞元九年入覲拜尚書右僕射同中書門下平章事朝廷爲之寶嚴廊爲之重天下以之信向蠻夷以之

來加金紫光祿大夫轉左僕射依前平章事遷檢校司空依前左僕射平章事遂嬰風疾四表陳讓不俞朝旨御醫盈門中使填路嗚呼有盛衰也有晝夜也聚散之理常也死生之變大也愚智同塵賢不肖共轍孰能究之哉公爲御史先府君追贈太子中允先夫人鞠氏贈東萊縣太君歸本郡遷葬鄉邦祭之先府君累贈尚書左僕射鞠太君贈齊國太夫人祖贈揚州大都督祖妣崔氏累贈博陵郡太夫人廟貌觀德豐碑紀烈奉君親而載劬啓手足而免夫始卒之道侯具趨而以求貞元年十月一日薨于長安光福里之私第享年七十六輟朝四日再贈太傅詔鴻臚卿渾鍊持節備禮賻絹一千匹米粟一千石詔葬長安高

陽原夫人贈扶風郡夫人武功蘇氏駕部郎中守忠之孫
處士珣之女先公二十五年而歿至是而合葬焉秉周禮
也長子疇太常寺協律郎凋於青春次子隣太子議郎少
子曠京兆府參軍公好古在汾州時於戒行尼寺家童院
得晉西河王分司馬斌碑太康中尚郎索靖八分書翳蒼
蕪蕪之下字可辨者猶存太半有割太原四縣以爲邦邑
之語公再建於寺殿之前爲尚書時懷魏鄭汴軍聲未輯
詔公宣遏而兩家之難解抑推君命且曰服寬信也公旣
習經籍老而不倦九流百氏靡不該覽通夷裔之風俗盡
山川之險易歷代沿革之自百王廢置之由關塞通塞之
因牧圉盛衰之異道程疎密之準要荒享獻之數聚米畫

地咸於指掌矧夫丹青神化縹緗纂述數十年來西戎陷
我河湟其圖籍志錄泯絕散落非公強力精專矚矚貫穿
靡書不探雖賤必訪則自汧隴而西傳疑唱謬紛紛不已
已化爲奇昧天意若曰降公之聰達精博拯厥將墜一作墮
歟興元元年詔公撰國圖貞元十四年先獻關中隴右及
山南九州等圖又撰別錄六卷吐蕃黃河錄共四卷優詔
褒異賜馬一匹銀器數事綿綵三百疋十四年冬撰海內
華夷圖成并撰古今郡國縣道四夷述四十卷貞元十道
錄四卷賜馬兩匹銀器數事綿綵五百疋又內出銀槩二
蓋殊渥也於戲渤海左湧洪河前激決濟其地氣必將有
以孕育哲賢謨明盛時爲紀爲綱爲棟爲榑體貳爲一作如

仁萬夫之望豈特河海地理云乎哉亦將上動昭回下降
星精為忠為孝為聰為明為君子為弘器公有大度容物
也浩無津涯而恪慎兢畏不有怠也有明哲保身也孰云
肯祭而端方肅祗未嘗離也公奉親以孝事主以忠待天
下以信博識以強力庶隅以砥礪居台座十三年秉戎律
四鎮垂十五年產不過中人日給有不暇之意非夫脫落
塵機翱翔青冥孰能然哉夫邾穀之閱禮樂敦詩書祭遵
雖在軍旅不忘俎豆邾吉之不過汗丞相車茵劉寬之無
爛汝手叔度之涯涘元陽之不伐衛玠之理遣情恕公咸
頡頏恢博得其兼備者已公考求六藝張弓挾矢允謂殊
倫連墮冥冥之羽雙貫五采之暈殪積豕之獸圖畫歌謠

噫嘻君子多乎哉文章之製博達而清約盛矣著述有未
就者歿有遺一作餘恨痛隣等知公歟疑作與餘慶有忘年之
眷見託紀微烈俾鴻代芬芳不歇表唐得賢臣之日焉銘
曰

圓方既明渾淪粹精辰耀騰溢降為賢英郁郁魏公薰然
淑清脫落瑣細曾吞長鯨其一天寶之季前塵荐起懷策上

謁言塵可止少年下位事不行矣命官絳臺渥澤伊始其二

車騎開府司空晉陽萃賢揚幕優游抑揚惟公聳然落落

堂堂群議乃曰允膺巖廊其三剖竹西河衆蘇情結風俗丕

變載欣一作脣載悅六鈞服猛雙鴻一發式是威武洸洸烈

烈其四入掌九賓羽儀清都四夷荒職貢畫地圖帝曰漢中

實惟爾區廷授龍節雙旌碩儒其惟轂漢南乃司冬官保

釐成同白馬登壇更踐數鎮撫人以寬或三四年遂成勝

殘其徵弼中樞朝廷為實謀不外揚功宣造膝與物宥過

意工言質天下日用曷由窺室其知命兮死生齊松楸列

兮埏埴成蹊海胷兮渾渾浩浩一指兮和天倪謬知言之

重顧銘藥石兮悽悽萬物或幾乎息矣惟公德兮竟濟其

文苑英華卷第八百八十七

文苑英華卷第八百八十八

碑四十五神道碑六

將相六

故丞相尚書左僕射贈太尉王公神道碑一首

故丞相太子少師贈太尉牛公神道碑一首

故丞相尚書左僕射太尉王公神道碑 李宗閔

上即位五年正月丞相左僕射太原王公以癸巳一作癸

疾其明日遂薨於位天子震悼愍惻遽命內謁者詣其室

索其所以飲食寢作之端既詳其無他狀遂贈一作布帛

菽粟率用峻等既又不塞痛軫之意加內府之絹千足以

賜之為之罷朝三日命兵部侍郎一人持節駕駟馬一無

簫鼓出自正殿直抵柩前冊公為太尉葬有日官給秘器

及就途遣王人亟臨視之命羽葆旂常輅車之飾皆及墓
俟其返虞鼓聲四節於里第而還示不與常制等也其子
鎮以宗閔晚陪公於相位之末稍窺公之行請銘其烈以
垂其後且不宜拒遂鋪其犖犖所能言者於金石云於公
諱播字明敷太原人周靈王太子晉之後以歷世爲王因
而受氏高祖蒲汾州長史生大璉嘉州司馬給事中司馬
生昇一作昇非咸陽縣令太子少師少師生恕揚州倉曹叅軍
尚書左僕射公僕射元子也忠敬而本仁寬明而有制內
顯而敏外肅而和貞元十年舉進士第是歲策賢良以直
言校書於集賢殿其言平戎經國之術粲然可舉調尉
屋斷獄首出御史中丞李文愛之奏爲監察御史按雲陽

源咸季以賊免用疑文不宜調而調因謁於臺遂捕劫

之追奸胥窮律旨奏流咸季刑曹郎一作部罷所居官給事

中以省詔非是奪俸緣而坐罪者甚衆自是風聲不可遏

矣爲侍一無侍字御史時京兆李實文皇寵一作所委能禍福卿

士凡其榮衰繫所附背舉朝迎避其鋒公在途而實來揖

公移文詆之其詞可羞實遂奏公爲三原令求其不足於

禮以持之公至尹署泊群吏之館還其邑敬府之禮無不

具實旣出其筭反加畏焉縣之編於戶者多中貴人前令

率不能自爲其政施一作馳張牽之公悉召所謂貴人入坐

堂中一作當拜曰敬桑梓宜如是也邑人大駭從其所指爲

長安令朝廷方恩于頓而以帝女嫁其子民有與于氏蒼

頭同盜人馬者前令捕民而縱其蒼頭公始至縣即立取其奴與民均其法知御史雜事京師饑穀起價京西諸侯相率閉粟公移之簡書徵秦晉泛舟之說西鎮惴惴收去條令粟流于秦元和四年爲御史中丞歲中知京兆尹六年爲刑部侍郎克鹽鐵轉運使上言派人會赦而歸獨豐一作配一作囚爲隔遂無還者請率以七歲爲竟至今用之尋加福部尚書益以御史大夫又以戶部尚書節度西蜀長慶初覲穆宗言中外之事遂留爲刑部尚書復幹鹽鐵冬拜中書侍郎平章事仍其職匡維激發始以進賢爲急上方有意河朔以財賦始出於下一作方一作十一二年公用相印爲淮南節度使以其職隨之四年言事者謂鹽運之設宜

京師用制方上加檢校司空去其使未幾上念公成法

以使屬公加司徒今上踐祚急詔徵公至即拜左僕射同

中書門下平章事仍其使尋兼太清宮使累進爵至太原

郡開國公食邑二千戶進階至金紫光祿大夫年七十二

而薨公入官三十二政逮事六帝出統楚蜀之師入極台

宰之尊前後三物一作鹽鐵既出一作去又復幾二十年天之所

覆地之所載寧有獨私於公耶必有以當其然也一署吏

苟不犯無能奪其任者歲時奏課至於榮太史胥次遷亦

如之故人用安其爲善莫有欺公者雖遠至海裔若物戀

咎捶窮年不死一吏貶一職而群務自濟凡朝廷平淮取

鄆屠汴下滄景干戈不息者十五六年饋餉資費隨其緩

急而立辦沛然若神給其間溝琵琶導潁河以漕輕舟師
人坐受其飽疏三門挽沉石以濟巨艦關中遂亡其饑薦
皇甫鎛之強敏而鎛反短公於上公猶不知上謂其長者
論景忠信矯制釋此一無逗撓之將期必抵於罪時服其敢
深涉徐境導齟齬而為忠槩人曰真宰相器也權征之外
有雜緡率貢內帑號為羨進貞元中歲不過十二萬緡及
公歲貢百萬緡凡國有大征伐不慮其費之有無洎丞相
晉公專征討之事兵食悉出於公公方一無從容以替其
成及滄景平公有叶力之助自御中丞京兆尹惣賦秉政
未嘗書笏為記善於啓奏天子不能自守其喜怒公以專
志持務密匡於上行已寡徒不喜代露由是數帝任遇多

被恩澤權利去番如在諸已人多意公能詭合於時及公
再持相印與晉國洎一二公同輔於上趨嚮甚直雅符於
道苟所舉公是公必扶之即非是公遂嘿嘿不和由是上
知公厚重而同列亦聳待之乃見公之所為與嚮之不知
者期公蓋甚戾也公既屈於名而伸於富貴豈非盛德君
子神明之所祐耶故夫人清河崔氏給事中銳之女嗣子
鎮一作前秘書丞砥服名教不以丞相子自居其身
次曰冰始叅一作京兆府叅軍事其器甚遠公之
仲弟曰炎季弟曰起與公三人俱用文學奮於江左西遊
長安七中甲乙時議偉之公向一無歿不幾日而起以戶
部尚書司國之計門闥之士交一作來哭賀群吏之執籍

文苑英華卷一百一十五

文苑英華卷一百一十五

繁夥一如公之時其亦於世難求也其從事故相國程公

昇今荆州相國段公文昌其他分居中外羅于一作臺閣

者不啻三十人銘曰在歲太和惟帝聖神圖任舊台一作

乃相太原維是太原福祿其奔再持化權樞揆聯聯兩統

劇藩楚淮蜀坤始自元和公秉貨泉歷憲穆敬一作憲洎

一作頃茲聖君四帝財征去公孰親惟煮惟鑄惟範惟聚或

惟聚惟輓東掃北殄上之所怒帶甲百萬唯一作食唯巨俾公

尸之不勞而具變通以時物無滯遺一作網條一施莫越

其規御衆以仁中控其機信行恩馳罔有詐欺公之惟揚

漕務其將公之留庭職與公并首尾貫聯已二十年相府

使符隨其興殂公之敏智顯爵自至不紛其外姑真一作

其裏始承其風畏公之遠及與之同沫公之義一作仁人

之跡歿而乃熾揭於茲碑不仆不倚

故丞相太子少師贈太尉牛公神道碑 李珣

天球河圖有國之大寶麒麟鳳凰王者之嘉瑞方於賢彥

即又次焉天佑我唐才傑間出輔時興化代有其人公諱

僧孺字思黯隴西狄道人本子姓漢有牛崇為隴西主簿

因家焉代為西州豪族八代祖弘仕隋為吏部尚書封奇

章公佐佑文帝有重名於時高祖鳳及一無中宗時為春

官侍郎掌國史曾祖休克集州刺史贈給事中祖父紹太

常博士贈太尉父幼聞華州鄭縣尉贈太保公七歲而孤

依倚外族周氏嶽嶽卓卓有老成之風以喪禮自處未嘗

戲弄年十五知先奇章公城南有隋室賜田數頃書千卷
乃辭親肄習孜孜矻矻不捨蚤夜泊一作自四五年業成舉

進士軒然有聲時常崖州作相網羅賢雋知公名願與交

公袖文往謁一見如舊由是公卿籍甚名動京師得上第

聯以賢良方正舉又冠甲科策中盛言時事無有隱避持

權者深忌之出為伊闕尉名府賢侯羔鴈繼至封章屢薦

每為中執事所阻皆不滿秩從潞帥郗士美簡授管記三

奏不得請竟除河南尉會有次對太察因言事解於上前

遷監察御史丁太夫人憂服闋除本官轉殿中公以文高

氣直累歲堙屈問望所屬推美於臺閣間入省拜禮部員

外郎時孟尚書簡有重望以地官貳卿兼領綱憲薦公知

雜轉都官員外兼侍御史免憲職授考功員外郎集賢

士穆宗即位宰相稱其能遷庫部郎中掌書命召對與語

上德之面賜五品服未幾遷中丞每對延英必移時蓋言

天下事有武將直臣為宿州刺史豪奪聚斂以貨數百萬

厚結權貴公按之為有力者排幾不免竟以詞堅理直上

意迴直臣乃得罪由是上以清直知又面賜金紫拜戶部

侍郎時望允一作允塞中書令韓弘以財投分公拒而不受

上因他事得一作知之愈賢公遂作相持重顧大體不言細

事嘗謂同列諸相曰致理之本流品為先彛倫攸叙蓋謂

此也每惜名器力與同列爭方鎮以不廉聞一作問者輒奏

貶以賄賂求進者必阻之先是李司徒逢吉與杜循州元

穎同作相穆宗寢疾議建儲貳與公不協後元穎出鎮井
絡逢吉衙之思有釋憾於政事堂謂公曰西川前有廢丘
謀上熟知之來日延英發其事公不知慎勿沮議公曰王
導有言吾雖不殺伯仁伯仁由我而死正近此耳又安得
不言哉逢吉喑鳴而止敬宗年少嗣位公雅善敷奏每言
一事必本末陳之上甚倚愛同列挾中助力赫赫妬公之
賢公亦思避其鋒三上疏求外任上以武昌善地建節幢
兼相印以授之既至問人所病害咸言鄂土踈薄歲一脩
城役工誅茅人用咨怨公默許心計擬泥範塲未及三年
盡換舊制崇墉堅壁人到于今頽之文宗嗣位二年公入
覲詔復相位上雅知公名一見恨得之晚會宋相申錫以

廉介聞巨姦鄭注挾北軍勢十射取財貨富侔於國忌宋
之直陰畫詭計誣與藩邸通因內臣而上其變造作似是
衆皆符會上驚聞激怒下法吏議其罪諫官伏閣爭不得
公入侍密啓上意乃寬止於郡佐公實有力今李崖州鎮
劔南西川上言西蕃別屯以維州降帶甲之士甚銳其地
要害得之足以壯邊却徐圖河湟此其漸也上疑不決下
南宮議百執事皆是西川奏公獨曰國家近與昆夷軟血
四鎮晏然今若自虧大信大戎恃衆見詰渝盟彼直我曲
未可量也上曰丞相之言是詔還維州初德裕承籍地勢
自負機術公介特素不與之交及是大不平遂成宿憾公
與李尚書宗閔同輔政出入殿省進退有度上偏目公曰

卿才類霍光異日可屬大事公懼蒲辭位再陳封章寵加
端寮出鎮淮海不改相印再登將壇揚州當江淮之衝習
偷薄之俗公清淨簡易化人易風俾及五年臻於一作至
理倉廩實禮義行刑措政成脫屣歸洛優詔屢降雅志不
回拜檢校司空東都留守文宗將有大制置大除授必降
中使假於他方入皇城宣密旨獻可替否如在君前其信
重也如此俄以左僕射徵王人就賜官告特明異禮公感
恩雖厚退身愈堅一對而歸不詣相第亦有中阻未諧人
情又加相印出爲漢南節度使制出上悔之欲追成命公
固辭上曰且不與卿周歲別出都門特賜清廟器六事皆
範金飾玉如古時制宣曰以卿精忠用以貺別寵待之禮

當時無儔公到襄州均井稅薄地征人用昏悅咸歌來
武宗初纘極聽信未一行險者乘時而起凶德參會倒置
天下事清賢名被斥逐惟公位高德重最難搖撼錄飢
齟幾至二年屬大水壞居人廬舍公以實上聞仇家得以
逞志舉兩漢故事生災異策免降授太子少師時議不平
又還檢校司徒兼太子太保俄又改太傅再臨東郊劉從
諫死劉禎自擅以招義軍阻命天兵誅討五年方尅上喜
甚素忌公者媒孽鍛鍊誣公與從諫交上怒下詔旬日三
貶公至循州長史鑿空指鹿四海之士咸寃之公推運達
命恬然如得好官時踰嶺越險二年在海上無所苦今上
即位大明善惡三遷至少保轉少師牽復高位分司東洛

池臺琴酒逍遙自娛賢士大夫尚其軌躅未半歲遘疾薨于東都城南之別墅自嬰疾至于捐館譚笑語言寔居自若口占理命纖悉無遺上聞爲之軫悼聯日不視政公卿相吊正人雪涕冊贈太尉遣大僚吊祭公端明尚重忠厚誠慤平居私室如見一作對大賓不喜釋老唯宗儒教早與韓吏部皇甫即中爲文章友其名相上下晚與白少傅劉尚書爲詩酒侶其韻無高卑前後作鎮皆佩相印辟署多名難其一作於進而勇於退儉必中禮貴而不奢知命達理保和居易三領大鎮接護軍以禮貌不至交歡再入中書待樞一本有密字使以公平不容請托有恩必報有讐不校常崖州於公恩也嫁二女歸名士薦長子登用行李崖州於

公讐也恤竄譎之窮途厚供待於逆旅其厚德歟亦難能也夫人同郡辛氏贈僕射秘之女賢明懿淑稱於族姻有子五人曰叢曰蔚能嗣其業皆擢進士第蔚監察御史叢使府協律巨奉倩洛陽尉二人未知名公以大中戊辰歲十二月二十九日薨以大中己巳歲五月十九日塋小子不佞早棲門墻考選第叨殊等之科開賓筵忝入幕之吏國士相遇筆札見知周旋款眷垂三十載刊石表墓一作德分也難辭公歷官三十一政作相一十九年逮事六宗光輔四帝承主恩必由直道解相印實無罪名自少及長不失色於人佐時理家無恃入之貨持身斤斤一作不撓履道甚夷嘗病在高位者不知止足終日抗論尅期拜章竟不及

年俾孤美志銘曰

公之生兮稟星辰公之道兮侔古人此一句無公之才兮澤而

真公之性兮威且仁公之文兮斑馬隣公之藝兮游夏均

公之儉兮自我身公之簡兮無雜賓公之貞兮肅人倫公

之慎兮質鬼神公之相兮平如均公為邦兮政如春公不

幸兮罹數屯公無辜兮介于循天開日明兮堯舜為君舉

直措枉兮幽寬必伸牽復高資兮言旋洛濱逍遙琴筑兮

無異隱淪屈指懸車兮歎一作然十旬數懷未遂兮美疹

來臻悲纏冕旒兮哀慟縉紳寵贈加等兮冠于台臣有司

職喪兮歸塋咸秦觀者歎息兮國人酸辛袁安餘慶兮令

嗣煢煢陳寔道廣兮門生振振乃續徽猷兮刻于貞珉碑

金字兮名德長新

文苑英華卷第八百八十八

文苑英華卷第八百八十九

碑四十六神道

將相七

贈官

御史大夫贈右丞相程行謀神道碑

贈右僕射王光謙神道碑

贈太師崔侁神道碑

御史大夫贈右丞相程行謀神道碑 蘇頌

御史大夫維弼之副尚書丞相粵官之長若庭堅是勅山

甫為式凝纘之

一作以

懋追榮末

一作未

極可也聖皇執象增

天報功元老協斯捧日疇貴將詔頌其美稱用命伯嬰與

之佐佑存趙立孤可也廣平之傑出者公名則字行謀世

以字行始終不易源彼二烈泉乎百代門閭當華嶽之峯

碑闕倚桃林之塞遷自吾祖定成我居作鄭人矣曾祖諱
慶隋長子令祖諱德淹隋太康令考諱藥王皇秋浦令子
男樹聲太宗於官闕令長傳業夙振於台揆况一變從道
三稱靡風乎公神靈特應金火殊發合照灼而更幽蓄堅
剛而轉銳常謂處山者猛不採藜藿成蹊者芳不言桃李
靜安獨行汎覽群書以管晏之謀迪訓貽典用申韓之法
徵竒撮要高深廣大盡在是矣志大好學首中甲科初補
潞城尉轉趙之平棘換虞鄉主簿任非待賢居是適用嬰
酷而罷居喪幾滅率由於至性每不勝哀禮闕入為鄆尉
時吳郡顧琮秉銓調餽致公密啓授萬年尉尋遷左肅政
臺監察御史裏行歷二尉尉字一作殿字左右肅政丞侍御史

復雙拜周旋五人悉心果乎履尾奚懼積豕既制拉二
於威孤之張神羊既立挫三思於止戈之武固亦霜驅隼
勁露落鵬摧豈避儉言俄招毀議出為幽州司馬都督薛
訥以元帥綜戎仗權公為在端寮設文備甲兵繕食一作倉
廩績絕漠以奔嚴城洞啓遷定州長史未詣職入除金部
郎中景龍六年鳴牝肆孽分宰京邑先屠戚黨吏部人相
狙獄市皆紛徵拜公長安令丕弊不辜大安所屬無何除
將作少匠少府少監飾慈旅二字疑愛費閉奢曾不無益而
成有差卷加七命食千戶俾侯於廣平國轉刑部侍郎兼
檢校送王府長史司寇持平以議罪君王好直而請由是
用刑不頗為善最樂也明年王正月我后時邁翠華順動

蒼駕巡遊幸朔方而經周漢陟河東而觀舜禹命公爲蒲
州刺史本道按察偉儲峙之饒悅服肱之壯期至人於道
路寔君子於雲天然後搏擊守宰澄清中理上因聽政顧
侍臣曰江淮之間風氣果銳吏諸尤者朕已得之又遷楊
州大都督府長史公以作姦鉏撓法萬商利於舟楫三吳
貞於鼓鑄皇念勤矣徵拜鴻臚卿即殿中監國開賓館威
懷柔服之亭玉列御府備物致用之殷則九卿不如六尚
書也公力主財巨細錙銖定豐省翹天地之蘇三字來自
西極溢水衡之貫獻于北宮擢拜御史大夫朝之紀也夫
端以憲職流爲法家含弘則弊於僥倖竦踊則嫌於激許
狂徒一作徒任失得且觀一作興替公之度蓋不然森貌寡詞

彼憚嚴而揣察悞

疑

幽二字一作微

藏密我易躁而安動廢物

和矣群司晏如加戶益榮金紫宣命賚予震佇丹青尹政

嗚呼方恒位事歛謝期頤享年八十有三以開元十四載

春之孟庚寅統日薨於洛陽之審政里第宸極悼焉行必

馳組請不釋服曷云多矣一作也尚德二尚厚三尚齒四

尚舊以革而問遺中使者鴻寶金相一作醫望自闕逮凶則

撫贈左一作右丞相衾常疑布帛盡萃其家喪禮塋數邁超

夷等伊我公蹈規懸解臨事默識至初疑爲心至公陳力

薄驕奢之行卑乃崇高重明哲之謀尊而壽考匪有倫有

要知至知終何以符契於君臣寵靈於存歿古未之効也

以貞爲謚然與其年暮春壬寅十朋啓塋雙表昭燧歸厝

于鄭之少華原禮也一子鎮之幼爲尚舍直長稟義方之
誨成幹裕之能以杖扶後起柴毀孤立凡厥所嗟上之所
隕直清而美者則御史彭城劉彥回同郡宋詢並謂勞人
祗服益承報國聞薦府庭朝夕棟宇遇甚恩結悲盈涕濡
相與開陳詔命甄用詞藻爰備刊勒宜存妙好顧秩重黎
之司日其正兮禮者其不佞乎粗言銘曰

程伯休父膺厥命兮我公之貞保氏姓兮我公之德宣歌
詠兮至于天官翊明聖兮登以碩老資忠敬兮壽必待終
名轉盛兮卜而獲兆典實令兮嗚呼太史秉直少華南映
望陪我京還即于鄭

贈右僕射王光謙神道碑

權德輿

天球白珩產於崇山扣之而清越格人莊士生於積德
之而弘大其或含光而耀蔽器不發乃熾而昌是滋百祥
蘊而爲義方飾而爲徽章故太原王公四筮仕而領通品
五追崇而登端右循政茂於官下湛恩集於身後有繇然
也公諱光謙字某自東漢鴈門太守澤五代至晉中書令
獻之坦之歲蕤德名與吉祥一作侔盛自後魏龍驤將軍
長社穆侯慧龍五代至隋秘書少監邵以勲華文學復大
其門秘書生隋揚州戶曹參軍來宰相世系表作戶曹生
皇青州司戶參軍子奇司戶生美原丞贈太常卿慶賢三
代沉晦邁其風訓公即太常府君之長子也幼而岐嶷長
而淳懿絜矩慎獨抱仁戴義閱深博辯之學稽古禮文之

事炳然含章靡不通貫至若文舒之清脩廉實處冲之剖
析玄微安期之弘恕懷祖之沉靜合是家法而躬行之始
以門蔭受署凡四徙官曰幽州三水潞州潞城二主簿絳
州萬泉縣丞楚州淮陰縣令所至之邦二千石必加禮慰
薦而公牢讓勇退卑不可踰及為縣令也務清淨之理而
去其煩苦推明誠之本而教以廉隅一同熙熙生植阜滋
楚風丕變幾至齊魯因喟然曰彼大爵美祿者在仁義與
樽酒而已太丘彭澤豈多秩耶於是放懷於外蓄神於內
沉研象繫之表盤礴天人之際其致知格物不可詳已以
開元二十九年春正月捐館舍于淮陰年六十九其明年
返塋于河南府偃師縣北山之陽夫人博陵崔氏贈博陵

太夫人繼夫人隴西李氏後夫人同郡武氏贈彭城郡

夫人飾終三加子貴故也公之才子五人長曰翊以博一作

文雅典憲亮直方貞集作直方貞厲歷御史中丞在散騎常侍刑

部吏部二侍郎御史大夫贈戶部尚書謚曰忠惠次曰翺

吏理詳明官河南府翟陽縣尉集作丞次曰翊循良愷悌勲

德茂盛歷辰朗容三州刺史容管經畧使兼御史中丞河

中少尹朔方節度留後汾州刺史單于副都護鎮武軍使

徵拜京兆尹尋兼御史大夫再居大理寺卿為福建觀察

使入為太子賓客貞元十二年檢校禮部尚書東都留守

踐履藩垣逾四十年階至特進爵封本郡次曰向士行清

脩為秦州上邽縣尉幼曰翺文敏有幹槩歷監察御史三

原縣令著作即太子僕翽向皆不幸蚤夭翽亦命屈其志而忠惠公太原公惣集休祉為宗工蓋臣初忠惠公與肅宗代宗從容言天下事甚衆且曰文致太平在正名百職危言悃幅痛詆權倖條疏理道坦然章明沃心前席倚以為相者數矣雖位竟不致而其遺風直聲暴乎天下太原公剖符賦政累刻金石滅夷越劇賊開地靖人倅蒲也以沉幾銷急變護單于也以尺書柔獮俗中外官師淑聲流聞保釐尹正式是東夏安危注意未始有極言代德者以公之保集無保字道未光而慶下鍾惟其有之是以仰之之故也初以忠惠公扈鑾輅於岷峨其勤匪懈贈公隴州刺史又以持節印冊命專對於北方間關忠力再贈公秘書監

後以太原公南服嘉庸三贈公為工部尚書以轂下肅清四贈公為太子少保以閩方報政五贈公為尚書右僕射噫嘻賢人教忠之業令嗣揚名之孝大君追遠之澤是三者可為至矣十七年太原公貞于龜筮得二月壬寅吉於是備八旒七章驚冕佩玉之飾博陵彭城二郡太夫人以象服祔焉詔給鹵簿官司喪事慶靈集於一門光耀被於九原君子然後知積德豐報之不誣矣至若忠惠之子為守臣太原之壻居台司諸孫昌阜冠映圭組則列諸碑陰以備代家斷茲琬琰銘公德美集作善其詞曰

有匪集作匪人君子兮德行醇備蟬聯烜集作烜赫兮峻闕弘義觀我靈龜兮懼腊毒之厚味樹風百里兮馳蒲密之極摯

慈和安靖兮闔境如春仲叔容儀兮與古為倫全才不耀
兮流慶後昆忠惠既沒兮太原顯尊五加追命兮賁茲玄
壤隼旗龍劔兮以至師長澤流根葉兮恩及涌泉壽堂拱
木兮以集無此字橫蒼煙隨武可作兮滅孫有後崇岡樂石兮
昭晰攸久吁嗟王公斯為不朽

故朝散大夫檢校尚書吏部郎中兼御史中丞賜

紫金魚袋清河縣開國男贈太師崔倓宰相世系表作倓

神道碑

太師名倓字某清河東武城人太公望既封于營丘子伋
嗣侯伋之孫曰穆伯食邑于崔遂以為氏後十四世至秦
末東萊侯意如東萊侯之子伯基始居清河又十五葉生

琰為魏名臣又九葉生休仕後魏為七兵尚書七兵之第

曰寅為樂安太守公即樂安八代孫始以門子補鄭州叅

軍力行好學於子道以孝聞處伯仲間以友聞讀易至編

絕以精義聞至德中戎羯猾夏王師出征公少有奇志思

因時以自奮乃作伐鯨鯢賦上獻既聞集有爾矣二字果噐之會

第五丞相以善言利得幸盡付利權始有鹽鐵使之目慎

選僚屬表公為介轉臨晉縣丞處繁應卒鉅刃不集作無頽

府罷再遷至太子司議郎韓晉公時為戶部侍郎掌邦賦

急於用材薦公為監察御史主河東租庸之務尋轉侍御

史充京東平糴使建中初德宗始親萬機儲精治本有漢

宣與我共治集作理之歎謂大臣求可當良二千石者遂以

文苑英華 卷一百九十九
公帶本官權知袁州刺史暮月有成詔書顯揚就加真秩
益以金紫居無何韓晉公爲丞相制國用思公前績乃傳
召之抵京師授檢校戶部郎中兼侍御史幹池益于蒲脩
牢盆謹衡石煎和既精飴散乃盈商通而游至吏懼而循
法民不絀網而國用益饒歲抄會其所入贏羨什百詔下
褒其能轉吏部正郎兼御史中丞具加五等之爵方倚以
重任天富其材而不遐其福享齡六十有五貞元七年某
月某日遘疾終于治所上聞悼之因降愍冊贈鄭州刺史
賚錢三百萬以備飾終之禮明年某月某日還葬于成周
之偃師從世墓也累贈至太師夫人隴西李氏汾州司倉
參軍咸一之女生才子六人長曰邠及公終集作時已爲

亮拾遺後至太常卿次曰鄴後至太府卿次曰鄆至外
尚書次曰邠今爲廷尉次曰鄆至執金吾季曰邠今爲太
常卿同中書門下平章事惟夫人姑藏冠族以蘋蘩組紉
輔佐君子爲令妻積三十餘年以慈儉忠厚訓誡諸子爲
賢母二十有三年當求貞初順宗踐祚澤流自葉長子邠
時爲詞臣草冊書以文當進階遂上疏乞移榮於親優詔
允之特封清河郡太君士林聳慕皆自痛其不及邠爲太
常鄴爲大農咸白髮貴綬以奉膳羞諸季各以簪裾給事
左右愉愉然先意無違言世榮者舉無與比以子貴累封
贈至涼國太夫人元和八年三集作月十六日捐館會壽
七十有九是歲某月某日合祔惟太常及尚書既今相國

皆有中書舍人爲禮部侍郎凡五貢賢能得士百四十有
八人言兄弟者許爲人瑞崔氏之門六人皆入文昌宮其
間三人歷八侍郎統而論之三代卿兩連率二翰林學士
一執金吾言冠冕者許爲世雄與姑臧李范陽盧世爲婚
媾入于姻黨無第二流言閹門者許爲時表太常二子亦
以才能同入尚書璜爲吏部郎璿爲司勳即其他支孫未
登金閨籍者誄誄然魚貫而進文采集作業甚似而孝謹不
衰倚歟君子之澤其所從來遠而有光乎開成己未歲七
月甲辰相君受詔於明庭始操國柄仲冬奉常事于家禮
成起慕悄然永懷曰古者卿大夫廟有鼎墓有碑皆銘之
以紀先德也今備位宰相敢不敬前人之耿光乃俾家老

條白事功咨於學古

集注作士

者徵其詞尚信也又命宗祝

柔日告于廟盡誠也儀甚

集作其非

備而敬有餘斯所謂遠禮

之君子遂刊勒如式揭于道周銘曰

奕奕四姓崔爲之冠瞻其門墻倬若雲漢善積家肥子孫

多才如彼榱棟必生徂徠太公之後彌二千祀爛如貫珠

焯見圖史顯允太師丕承德基構于其堂亦旣墜茨生逢

艱虞戎夏交師獻賦伐叛忠存乎詞兵興事叢飛輓四馳

歷踐劇職視屯如夷乃主平糴乃分行使治粟爲邦其道

一致蒲實近地益爲利泓使車來思刻弊立程吏廉商通

歲倍其贏奏課連最德音褒明就加執法好爵兼榮天賦

之才不與壽并生樹德本歿揚淑聲上聞軫懷侑樂爲停

贈榘之禮侔于公卿萬石貽訓根於孝友太丘種德乃稔
身後家有令子妻為壽母二十餘年人倫之首六子來侍
如龍如虎衆婦來饋維筐及筥佩玉鳴環交饗庭戶申申
秩秩歡不踰矩昔為甲族今為興門天爵人爵蔚然兩尊
集作先德蔭之黜集作如重雲孕和含集作粹濯潤本根
存集作景毫之源圖書之川陽陵帝壇磅礴廻環世安其神世嗣
其賢聆德風者拜于碑前

文苑英華卷第八百八十九

文苑英華卷第八百九十

碑四十七神道八

玉爵一

此下三卷英華所編
失作者先後今正之

周上柱國齊王憲碑一首

唐義陽王李琮碑一首

周上柱國齊王憲神道碑

庾信

昔者軒皇受姓十有四人周室先封十有五國自爾承基
纂胄保姓受氏雖復千年一聖終是百世同宗故知昔之

東京既稱大

一作

漢再受今之周曆即是鄴都中興公諱

憲字毗賀突恒州武川人也晉太康之世

一作

始一作據有黃龍

魏孝昌之初菴荒玄菟太祖以百二諸侯三分天下函谷
先登鴻溝大定功業如此人臣以終公含章天挺命世誕

生降太一之神下文昌之宿珠角擅竒山庭表德儀範清
冷風神軒舉聳動廊廟光華城闕未逾齟齬已議論天下
事人或曰是謂弱木一枝十二字一作天下衣裳先勞

蔭數國長河一直自然千里風颺欲遠光景將昇後魏二

年封涪城縣開國公時年五歲也虹蜺滿野是廢當途之

高鸞鶯鳴岐實始維新之命國家光宅受圖欽明秉曆大

風初卷長沙始封周元年進爵安城郡公食邑二千戶仍

授使持節驃騎大將軍開府儀同三司開府同於馬駿秩

擬六卿驃騎等於劉蒼位高三事宗子維城彼多慙色武

城二年授使持節大將軍都督益壽寧等二十

四州諸軍事益州刺史改封齊國公食邑萬戶公時年六

有六王武子以上將開府未滿立年荀中郎爲十州都督

才踰弱冠方之於公已爲老矣加復營丘負海齊桓公受

脰之城岷山導江漢武帝求仙之地自非名陵孤竹罄振

沉黎豈得南至穆陵西登積石幸無白虎之患寧待黃龍

之盟印符畏威微盧仰德生爲立廟刻石頌功成都有文

翁之祀非謂生前漢陽有諸葛之碑止論身後比之今日

豈可同年而語哉保定四年與大司馬蜀國公圍金墉城

師臨洛浦則廣武營奔兵上邙山則河橋路斷八川風倍

五方名利鐵市銅街風飛塵起天和元年徵還行雍牧公

以日月之明威神其政溱沮旣從荆岐即又少陽用事路

不喘牛仲秋以殷民無驚冰二年拜大司馬仍理一作小

冢宰營室殿軍器太監天官以邦國爲基是司六典夏官
以兵戈爲主專謀七德是以器械填委旣包吳漢之功官
殿崢嶸彌狀蕭何之法時以白露涼風務閑農隙督兵三
萬出自宜陽拔伏龍之城平姚萇之壘馬陵削樹魏將路
窮平陰聽烏齊師其遁天子冢第禮絕群公仁義所往事
資道德建德元年進爵爲王仍拜大冢宰姬旦封於曲阜
不廢君中劉交國於彭陽無妨常從豈直周召二南並居
師傳晉鄭兩國俱爲卿士而已哉匈奴突於武川燿火通
於灞上公述職巡御治兵朔方馬邑星飛一作龍城月動
撓留犁出漢書匈奴傳之酒經略不前失煙支之山下馬
而去東隣逆命反道敗德囚箕子於寒庫罵文王於玉門

天子將有孟津之師召公獨議公報以誕應天命克成厥

勳昔者秦昭起師於蜀直問張儀晉武用兵於吳惟謀羊

祐於是中軍無帥僉曰有歸五年拜上柱國元戎東討給

王鐵騎二萬先襲太原一作并州斗建麾兵天離轉戰虎嘯風

騰雲飛電掩林胡棗栗詎得充饑晉陽菽蒿何能拒防又

加王精兵六萬長圍晉州然後六軍星陳萬騎雷動中權

始及前茅已戰自爾即爲前鋒橫行入鄴觀彼車結槐本

馬驚旋渾積甲高昆陽之城尸封塞富平之水莫不如彼

建瓴同斯破竹一朝指揮六合大定是用光昭下武翼亮

中都足以摠祖宗之宿憤解生民之怨黷疑作方當待彼

石閭部斯玉鼓經緯天地光華日月旣而赤烏夾日黃熊

入寢實沉無祀桑林不祭宣政元年六月二十八日薨春
秋三十有四季友之亡魯可知矣齊喪子雅姜其危哉公

器一作宇淹曠風神透遠璣鏡照林山河容納置罇待酌

懸鍾聽扣聲動天下光照四鄰武皇帝以介弟懿親特垂

愛友而密謀奇策加禮敬焉常謂左右曰孔子云自吾有

回門人日親其齊王之謂也用之作宰則萬方協和用之

撫軍則四表懾伏豈直臯繇為士國無不仁隨會為卿民

無群盜愛翫書籍敦崇禮樂一作管絃入耳則溪谷俱調

文雅沿心則煙霞並韻養由百發落鴈吟後應奉五行綵

緗縹帙雍容舉止抑揚談論當世以為楷模搢紳以為軌

範則少有壯志頗校兵書玄水降靈穀城授策飛風長柳

月角星眉莫不吟誦在心撰成於手所著兵法凡有五卷

六韜九法一作不用吳起舊書三令五申無勞孫武先誠

可謂有忠孝焉有壯武焉不自驕矜兼疑作光下物宋人

獻玉不貪為寶百成子高守仁為富不謂以信致欺為善

非樂天年不享嗚呼哀哉以某年月日塋于石安縣洪瀆

川之里原隰悽愴埋於盛德幾年丘陵搖落蘊於才良永

矣乃為銘曰

悠哉朔方逖矣窮陰山連鳥道一作地盡龜林重黎業大

伯翳功深胃其積德必有君臨大祖撥亂喪君有君一作

實君廻地軸策動天文猶臨赤水尚復黃雲諸侯八百天

下三分公之挺生寔惟天假翠微臣疑作降文昌星下照

于四國充于兩社左傳作問舟楫江河棟梁華夏水通詞

鋒風飛文雅純深之性地一作義極天經忠貞之道事感百

靈君親惟一臣子惟寧忠泉出井孝筭生庭乃宰天官為

國之輔是居上將為天之柱乃聖乃神惟文惟武策高關

闢威移雲雨九宮神畧三術謨明天離轉陣月德迴兵黎

陽水駭官渡山驚冀州既載東原底平溟波欲運弱木將

危中峰岳斷半海鵬垂鳳沉卅穴龍亡黑陂臨淄廢市東

武山移千齡萬古英聲在斯

唐贈陳州刺史義陽王神道碑 張說

昔高祖之起唐侯革隋命太宗之威四海正萬邦作藩帝

家用建王國二十一族堯之照也十有一宗文之穆也王

諱琮字某文帝之孫紀王之子龍種異品鳳毛秀色仁義

天啓德威日就學無不探藝無不究故齊王之胤以爵推

恩周公之子以才分政惣角封義陽郡王弱冠拜歸州刺

史又守擅州又撫沂州若救之舊荆人是懲單于之衝胡

馬自遠淮沂其又邦國不空遭王運中微投於南海書稱

大夫憫失土之諸侯禮不迓誅議無辜之王子某年月日

遣六道酷吏薨于桂林之野春秋五十神龍之初興廢繼

絕追贈陳州刺史王生不得志歿受遺榮信乎才之短長

不如命之豐約德之輕重不如藝之厚薄古集作矣季子

豫州刺史行休鬚鬣羈旅集作託身炎厲藐是餘慶歸然

獨存泣血上請迎喪遠裔開元四年二月至桂州王同氣

三人徃借遇禍殞殮無主封樹缺如歲月茫茫盡為野草
問鄰母而失處訪樵童而莫識議者以為不可復得宜招
菟而改葬行休拊心蒼昊誓不徒還乃掃亭館設地席潔

齊懇惻覲乎幽報遂頻夜髣髴集作曲示其端夢魯唐書無此

字王乘舟舟分為兩既而適野見東洲中斷因忽悟焉陰

隱微明率此類也又靈堂鎖莖一夕自屈管上有三指凹

迹一竒二並其旁鐵生文理布列成卦眾駭其異使善易

者張法著之曰屈者於文為尸出指者於義為指縱一竒

二並三殞近闕集作若引渦上集作揆之可以察先王之

心矣考夢協卜定處刻辰以某月二十八日於桂城東洲

發見神樞舉體咸備而一節闕焉行休甚痛惋若身集作

毀裂其夜又夢王告在南洛州唐洛書作南洲厥明直舊殞而南

十有九步沙洲痕下掘而得之安合如故他日北郭之外

又集無併收二叔父焉於是乎驗著之有徵也子千三旒

連軸歸飛遙遙百越經途瞻歎零桂人士集無以為美談

夫至孝潛通精魄昭應虛無之見推步而有窈冥之體尋

求而致雖前誌所詳未有幽感反覆若斯之昭晰矣以某

年月日陪塋於昭陵栢城妃汝南周氏祔焉禮也妃考曰

駙馬都尉梁郡襄公妣曰臨川大長公主宗周玄胄大君

自出左右圖史循環法度邦有好速室無集作偕老以王

之故薨于掖宮初永昌之難王下河南獄妃錄司農寺唯

有崔集作氏女集無扉屨布衣徃來供饋徒行頽色傷動

人倫中外咨嗟目為勤孝王之集無二子配在嵩州及六道使之用刑也長日行遠以冠就戮次日行芳以童當捨芳啼號抱行遠乞代兄命既不見聽固求同盡西南傷之稱為死悌君子謂勤孝者仁之厚也死悌者友之難也感神者誠之至也此三者有以見義陽之義方賢妃之內訓繼體之崇德夫如是淳羨上歸乎本朝盛烈延耀乎邦族安可闕而不飾碑版無文而已哉銘曰

高丘白雲維堯大理函谷紫氣維周柱史百代福流千齡運起富有海內貴為天子聖帝才子於穆紀王賢王祚胤倬哉義陽慎徽九德九德有常允釐三郡三郡以康明夷于飛丹崖之下梁木其壞桂林之野不識阡陌無存松楸于以求之人莫知者哀哀孝子眷眷靈夢語妙常閣文微甄仲南洛占從東洲億中舊窆移偏新棺改贈既克返葬亦附山陵卜去其吉神心允憑人非地是迹謝名稱青青松栢不顯不承

文苑英華卷第八百九十一

碑四十八神道九

王爵二

撥川郡王碑一首

定襄王郭英义碑一首

常山郡王田緒碑一首

撥川郡王神道碑

張說

珠玉無遠而登輦輅之飾寶也松栢無幽而入殿堂之構材也物貴其用人亦如之撥川王論弓仁者源出於天末城吐蕃贊普之王族也曾祖贊祖尊父陵代相蕃國號為東贊戎言謂宰曰論因而氏焉公有由余之深識日碑之先見陋偏荒之韋毳慕上國之衣冠聖曆二年以所統吐渾七千帳歸於我是歲吐蕃大下公勤兵境上縱謀招之

其吐渾以論家世恩又曰仁人東矣從之者七千人朝家
大勲授左王鈴衛將軍封酒泉郡開國公食邑工千戶國

集作周語曰犬戎樹敦國語作惇守終純固今其俗獷而輕死其

法折而不撓故前代無降人中國集作上無童僕自公之集

之拔身向化首變華風澤潞之間如集作始見我州矣若夫

河南胡苑刈牧所利每歲冰合虜騎是虞中軍必謀於元

老亞將固選於時傑神龍三年以為朔方軍前鋒遊奕使

景雲集作龍二年換右驍衛將軍開元五年兼歸德州都督

使皆如故八年遷本衛大將軍改朔方節度副大使公之

理兵也堅三甲集作帶利五刃偶拳勇齊足力信賞罰分甘

苦六轡如手千夫一心接獯獫猶蚊蚋臥沙塞猶集作如襁

席猶集作疑居露食垂二十年雨畢而成師冰泮而休卒

寒氣入於肌骨夜霜入於鬚鬢人不堪其勤公不改其節

韓公之建三城也公洗兵諾真之水刷馬草心之山以為

外斥而叛徒安堵鄭卿之和默啜也公授館李陵之臺致

褒光祿之塞以為內侯而賓至如歸九姓之亂單于也公

四月度磧過白檀林收火拔部帳納多真種落彌川滿野

懷惠忘亡漠南諸軍躡其計也降戶之叛河曲也公千騎

奮擊萬虜奔走戡剪畧定師旅方旋而延陀蹙蹙唐書作跌

復相嘯聚上軍敗於青岡岡字集作剛嶺元帥沒於赤柳澗公越

白新堡奔命寇塲羸糧之徒不滿五百兇醜四合衆寡萬

倍公殺牛為壘噉虜為餉決命再宿衝潰重固集作圍連兵

躡踵千里轉戰全薛公集作薛訥於河外反知運於寇手朔

方諸軍壯其戰矣研磨之奔也邀于集作於黑山口覆其精

銳布思集作市惠之背也追至紅桃帳掩其輜重乳泊之會荆

蘭池之狂胡木盤之役繆方渠之逋寇凡前後大戰數十

小戰數百筭無遺策兵有全聲集作勝是以六狄逃遁三垂

又寧聲暴露於天下業光華於世集作代載信皇威之所加

亦武臣之力也故錦衣實王允答戎功甲第良田丕承王

命集作丕命帝錫二字集其智効累其集作未甚優寵黃頭黑齒

比價齊名積戰多瘡累勞生疹恩命尚藥馳往診之晉暨

已深秦鑿無及十一年四月十五日集作四月五日薨于集作於位

享年六十有六集無此二字制贈為撥川王稱故國本其志也

集作志其本也太常議謚曰忠山舊典昭其行也長子雲忠集作

盧襲官封繼事業次子舊久特拜郎將十二年四月詔葬

於京城之南懷遠人也太常鼓吹介士龍旂虎帳貂集作

裘封犛殉馬吉凶之義舉夷夏之物備長安令摠徒以護

事鴻臚卿士集無士字序賓以觀禮哀榮之道著集作極字矣君臣

之義厚矣有命國史立碑表墓吾嘗同寮敢陳集作昧遺烈

銘曰黃河接天青海殊壤舉世安裕集作裕拔俗誰敢倬哉

論侯利有攸往奮飛橫絕搏空直上以衆欵塞因敵立勳

吐渾集作蕃萬戶吟嘯成群精感天地氣合風雲旣封酒泉

乃為集作位將軍朔方陰塞直秉集作彼獯虜帝命先鋒闕為

虓虎上北尸寗集作北加電漢南擊鼓數年之間集作十年耀國

威武我有師旅將軍鞠之我有邊吐將軍育之柳澗亡師
一劍復之蘭池叛胡三戰覆之武節方壯朝霧集作露不待
王爵送終宿恩未改時來世往集作去人亡物在集作物如在銘
勲謚忠以告四海

故定襄王郭英又神道碑

元載

維永泰元年十有二月甲子開府儀同三司尚書左

一作右

僕射兼御史大夫劍南節度度支營田觀察使成都尹定
襄王薨於靈池兵故也夫懿文德者非謂禮君臣正上下
其謂經綸大難乎鑠武功者非謂鞠師旅威戎夷其謂翼
中興乎公名英又字元武贈伊州刺史盱公之烈祖也隴
右節度攝御史中丞贈太子太傅知運公之皇考也產雲

赤亭樹勲青海世傳良將載在國史公河岳之粹將相之

器學劍輕短後縵纓讀書重金版玉匱天寶二載方筮仕

轅門累授左武衛大將軍節度涼國公見之曰代吾節制

者必此子也其後十年累代涼公為節度矣祿山之亂中

原也二聖偽遊三秦賊據汧岐重鎮非公不可制授公秦

州都督兼御史中丞隴右採訪使未幾賊將高嵩長驅幽

燕深入汧隴公外申郊勞內設庭宴饗未屬厭兵已合圍

賊黨數千應時剪滅繇是虜鏑不鳴於隴外皇輿始都於

雍上至德二年詔公為鳳翔太守轉西平太守加隴右節

度兼御史大夫吐蕃之逼西河也諸寇以堅甲乘城我以

偏師遇敵勝在於一作不戰利當用奇選驍騎以襲虛張疑

兵以應銳前衝未及於龍島後勁已覆於梟巢邊捷書至

虜圍夜潰進封西河郡公思明之陷成周也南入陳蔡詔

公兼御史大夫統淮南節鉞東捍陝虢詔公兼陝州刺史

主闕外旄一作旌麾寶應之歲上乘龍躍之運寵虎臣之績

進戶部尚書加開府儀同三司仍捻戎一作舊職朝義之走

河北也公雷電勇畧風搏勁騎驅熊虎一作熊之師開龍虵

之陣一戰而穀水破再戰而邙山拔十年逋寇一作誅萬里

如掃朝廷壯之詔領東京留守又兼河南尹俄拜尚書右

僕射封定襄王加實封三百戶永泰元年兼集賢待制夏

五月天子以劔門巨鎮推擇收難歷選朝廷惟公是授即

日加成都尹東西兩川節度兼御史大夫僕射如故是時

也入承日月之光出擁風雲之氣以孫吳為老生以韓彭

為兒戲千里為之震動百蠻為之惴畏秋七月西蕃犯境

公戎馬驟捷軍人擅還裨將懼誅乘間謀叛公擐甲擊鼓

單車入深引西山之數騎望東川之外救短兵未接追寇

橫及雖刃以通中而氣猶激射疆吏乘遽聞乎京師上投

袂而驚仍一作彌加悼惜有以見聖主之深仁重武臣之壯

節不問輿尸之過爰旌折首之功以大曆三年正月二十

七日詔葬于武功之先塋夫人鄭國夫人龐氏禮歸敬仲

誠及伯宗生則六珈受寵歿則九原同祔嗣子將作少監

嘉珍憤積嘗膽哀經泣血飾襯蜀門歸魂秦隴一作甸力樹

祁連之冢思崇峴上之碣以載職在史臣業專文律琢石

旌美俾奮大猷其辭曰 否邁天地運鍾雲雷曄曄定襄
與時而來躬赴兵難志清國災推轂隴西士卒雲屯擁旄
陝東群寇雷奔五開幕府七鑿凶門以寡擊衆以亡易存
六踐栢臺南憲具張再登八座右揆有光同盟錫土異姓
封王勲崇業大位重名揚召對蓬萊作鎮梁益秋霜發令
春雨流澤望在股肱變生肘腋南圍旣合短兵未進單騎
驟奔群兇兢振血殷朱輪首碎白刃魂歸萬里悲慟三軍
踈松蔽日孤冢參雲身歿冤氣名高戰勲

常山郡王田緒神道碑

丘降

維天以五星紀經紀維人以五常垂教化奉天者皇王牧
民考侯伯故五星失次舍而天綱乖五常情倫理而人紀

壞非夫人神感禍天地合德俾降英傑以靜邦家則無以
正綱紀成教化矣皇唐九葉今上馭曆之五載得佐命戡
難之臣曰田公諱緒字某北平盧龍人也系自唐虞盛德
載世祚于全齊醇仁酣和衰周鼎遷暴嬴壁返劉項角逐
正者得之則齊王橫去國隕身與義終始議郎疇立功逃
賞興讓淳澆十數世家于北邊議郎卽公之十五代祖也
至皇鄭州別駕璟生公大王父安東副都護贈戶部尚書
有遮虜護塞之勲而生不登貴位加之以齊王之秉節一作
義議郎之遺榮濬源茂本故尚書克生太尉承嗣歷檢校
戶部尚書兼御史大夫魏博貝相滄德州節度度之一作
營田觀察處置等使尚書左僕射司空同中書門下平章

事兼魏州大都督長史封鴈門郡王歿贈太保累贈太
傅復魏州大都督公太傅第六子也乘博厚之慶得堅剛
之氣君臣之大節理亂之形兆寔天賦不言而知侯王之
姿見于童孺太傅朗識異而噐焉以諸侯之嫡拜京兆府
叅軍兼五領騎士深得將畧鳴弓上馬雄稜挺然無何太
尉寢疾以或措置故事不歸於公聖朝載懷輯綏永顧勲
績爰命從子俾侯于蕃既履四封乃遷六官一有休字付畀于
天威惠在已主恩寵章赫赫煌煌孝未昭而忠隳正不悟
而邪及志惟悖德動則無名是以河朔塵飛隴右霧塞青
充既叶幽冀未一作同見多壘於魏郊發天兵於隴坻曠
日持久連年不平履危者若安處禍者皆樂囂然相視孰

辯其非公斷天下之疑達天下之務以爲君親可報也世
德不可墜也犯是二者生將何爲於是歔歔涕流冀其感
寤靡有虛日而無正言及京師變生翠華順動人望愈惑
堅不可離星辰辰之間戎帥薨謝師人將士退迫公理軍
公清望威名衆所欣載且曰吾先公太傅之冢子也仁而
能斷嚴不至殘當去禍就福化危使安敢以死請期乎息
肩公雖懇辭人實誠奉於是三軍之裨將一作師列城之守
宰及士吏卒伍大和會于旌門之外而聽命焉公乃陳其
逆順曉其利病西嚮稽顙如對天顏萬人歡呼式抃且舞
受公相誓如履夷途一作途曾不崇朝而獻狀行在于時黃
屋南巡于邑濮元兇僭盜于鎬京握兵者鱗差失節者踵

武公挺身禍敗拔跡危難掃氛侵之未開定危疑於已變
乃分遣寮屬結約諸侯迴成德向闕之心合昭義勤王之
志雖漁陽之勁悍比虜之猖狂公精誠籲天銳氣蟠地能
走馬實於魏壤覆朱滔於貝丘希烈勢孤賊泚援絕訖于
收復經啓自公巍巍碩勲孰與公比由是捷書上聞未幾
而降優詔拜魏博節度管内支度營田觀察處置等使銀
青光祿大夫魏州大都督長史兼御史大夫君臣之契運
昭泰之玄符千載一時燭見茲日及六龍駕還九有風清
然後議刑賞頒慶賜則公之茂績結于宸衷讎日加工部
尚書節度等使如故上復以麾幢之任賢賢也腹心是託
親親也親賢之選簡于帝心賜公姻戚尚嘉誠長公主公

主肅宗文明武德皇帝之孫代宗睿文孝武皇帝之子今
上之妹玉潤貞質蘭芳粹容德配元臣道光卿族降自九
天歸于列藩獎納忠之誠重臣戴之績由此見公之寵畀

群后也昔漢張敖曹窋皆因緣戚屬稱榮主第若公之分

茅胙土樹牙推轂上自振古迄于聖朝一人而已尋遷尚

書右一作左僕射特封常山郡王食邑三千戶明德也改封

鴈門真食五百戶襲慶也公惠訓封圻按部師律恢皇威

以勉群師敷淫澤以潤蒸人禮讓興行廩積斯實修整人

絕統和天常夷難戴君每爲已任朝廷褒是休烈爰咨弼

諧以本官就拜同中書門下平章事公既參廟謨又統兵

柄方將剗禍胎之未兆措理本於永貞張三光之明調六

氣之府致君堯舜身作夔益豈獨鎖結燕趙連衡齊魯嘉
言有聞而遽嬰寢疾以貞元十有二年四月十日薨於戎
府享年六十有三天子震悼不臨朝者三日列辟相吊邦
人大慘卽日詔遣尚書職方員外郎房挺申賻襚之恩備
君臣之分追是勲伐冊贈司空詔書褒寵禮加常典不踰
時而命公令子節度副使兼都知兵馬朝散大夫試光祿
少卿兼御史大夫季安纂厥戎政式光茂烈雖哀過乎禮
而義貴從權寧息魏人藩翰王國稟君之命移孝則忠生
而顯榮歿有遺祉薰灼今昔在公一門越以某年十月四
日葬我公魏州貴鄉縣金堤鄉吳河原邇先太傅之塋禮
也嗚呼公精彩朗徹志氣雄厲性通事表心達化權二十

總戎三十作相俾魏博爲順本功以之高奉家國於正初
孝以之大忠孝斯立福壽攸歸向蒼生失望國棟斯折今
古之恨何勝言哉公有子三人長曰孝和朝散大夫使持
節澶州諸軍事澶州刺史兼御史中丞充本州防禦使少
曰季直朝議郎殿中侍御史內供奉銀青光祿大夫檢校
工部尚書兼魏州大都督府長史御史大夫充魏博相貝
澶衛等六州節度管內支度營田觀察處置等使季安公
之次子也十五授鉞爲唐名臣固河山奕葉之封奉貴主
慈嚴之訓光闡前列其不朽歟公左右王家底靜藩闡功
勲一作豐功大畧書于淳史若乃垂休聲於開國之地申罔極
於元侯之恩刊勒豐碑光顯舊壤門人之事也追慕感恩

一有直而不文其辭曰三光昏霾兩儀否閉爰資英傑用

贊開濟天人合符斯人命世其塞直盧龍山橫紫蒙元精

委輸慶發于公其勲惟茂其德惟崇其建中季年兩河難

作淮圻怙亂燕趙濟惡洶洶鯨奔信信獸搏其翠華順動

關右塵飛戎輅載駕苞茅不歸且懷疑顧孰就是非其時

惟我公拔跡艱阻率彼叛徒悉為王旅白日精貫丹誠自

許其婪婪燕寇畜禍稱兵動搖夏東應援咸京旌旗蔽野

獲虜連營其公仗天威修鄰叶志忠見于時秦生于否十

萬姦凶一敗塗地其帝嘉殊績乃授藩維輯寧有土惠訓

成師威令自肅仁風載馳其乃作宮師一作真食茅土窮

寵極貴封王尚主恩光顯融獨映今古其既司右揆爰陟

上台皇猷允穆俗阜爰來人望匡弼天胡降災其冊贈

空念深宸宸道則致君人而知子帝命元侯傳封四履其

一高墳峩峩先隴之旁河掃通氣沙麓連岡歿而可作公

其不亡其十

文苑英華卷第八百九十一

文苑英華卷第八百九十二

碑四十九

王爵三

涇原主帥南川郡王贈司空劉昌神道碑一首

武陵郡王馬公神道碑一首

南平郡王高崇文神道碑一首

故四鎮北庭行軍兼涇原等州節度支度營田等

使開府儀同三司檢校尚書右僕射使持節涇原

諸軍事涇州刺史兼御史大夫上柱國南川郡王

贈司空劉公神道碑

權德輿

惟南川郡王諱昌字公明貞師于安定十六歲歲直鶻火

夏五月甲子寢疾病考終命制詔襚以司空印綬而弔祠

法贈集作稱焉於是內子諸孤宗姻家老盡誠信於內從

事大吏倫侯亞展匍匐於外叶志會事拂龜露著象數

皆得以條陳纖必蒙於可報以冬十月丁酉還真宅於

京師其原禮也之先彭城人楚元王交之後夔國公弘

基之族孫也大父全慶皇汴州別駕王父達徐州長史

父庭王試太常贈徐州刺史三代醇靜不躋豐祿故天

爵覆露發祥於公角犀鷲領魁岸碩大思暮泉深盛氣

陽禮記作揚休禮記作揚以虛受莊重而強立稟於端誠之謂

義發於慮憲之明仁集有揚天聲之謂武節修方任之謂

文事再居陪卿二佐列藩以宮尹中執法以騎省亞丞相

冬官宗伯北踐六職再受鉞而一撫封列王爵而食真職

終於端右飾以論道其初守商丘授彭城下濮陽壁寧陵

釋陳圍復梁地集作皆急病肆力武功自著起沮傷以奮

擊化匡駭為休寧其守不可拔其功不可遏投難而智勇

俱殖酣戰而奇正合發兵法曰有必勝之將書曰存亡在

所用其信然乎以從河南集作節度張介然東討林胡殺

畧居多次從宋州刺史李岑扞城半歲劇賊遁去又從臨

淮王光弼汴國公勉每用上効揚于軍鋒洎劉司徒玄佐

始擁節旄錫宣之號以族屬勲力賈餘勇無前凡希烈

之自寧陵走汴祭以至于死皆公之為貞元三年以偏

師八千承諾護亦既旋旆俾營甸圻有尤違者連斬以

狗天子壯其忠未幾徵還沃心前席饗醴命宥建行師

之節制自稟新書分上相之賦輿留屯便地明年正月進
律作藩彤弓玄田物采備厚因六郡之氣俗用十連之教
理入覲宣室請平涼屹爲巨防乃拓故地而又險走集
以禦寇徙邑居以便人夷境墉而制井疆斬荆棘以列達
市貨力具舉農戰交修邊關棄地宴然富殖長幼養老沛
然生聚隣有墜師百濟之棄甲者納之凡涇人之所未習
者皆優爲之涇土之所未產者皆茂遂之昆夷攝一作讐
燿火訖息彼西土軌道繫吾謀實然理命不忘於信實遺
章備見其忠悃年止於六十五未極壽寵皇帝之所以恤
然加等良有以焉夫人吳國夫人陸氏柔嘉綢直婦道明
備長子殿中侍御史贈潁州刺史均教忠能仕不幸蚤夭

嗣子右威衛騎曹參軍士涇懋善有馴行與支子右衛率
府兵曹參軍士僚洎士良及士和等以德輿嘗受面命類
涇人聲詩馨香始終其傳信也孰將篆樂石載徵菲詞中
郎二碑竊善頌於無愧春秋五例冀終義於後經銘曰

疊疊南川得時經武大君有命式是西土西土濯征衆心
成城壽甲凋戈涇師以貞隼旗驚冕涇俗以寧肆厥忠力
秉茲義程凡在五符至於白徒制爲田廬亦有賈區寔墉
寔畝交贊令圖嘉生油油比屋愉愉昔誓偏師士皆致果
如使臂指可蹈水火孰云危事決勝在我狂狹內訌惡氛
濛濛濁河而南或守或攻陳壁旣捷夷門乃通時惟南川
寶冠群公乃分兵符乃鏤彝器服物昭庸天休茲至勞勤

心力弘大功利師則嚴終公惟盡瘁智氣冥冥發揚昭明
下平水土上助神靈輅葆參差丘封崢嶸立此堅石於昭
厥聲

武陵郡王馬公神道碑

熊執易

大唐將軍能扶贊神武斬艾不王者曰太尉扶風王薨二
十二年而長子蔚州牧御史大夫武陵王鉞自朔易歸葬
于萬年銅人原貞元戊寅歲五月六日克定焉禮也嗚呼

自代宗末洎今上貞元

二字一作
第三元

二紀之間所求乎高明

昌盛之家伯仲肯構之力而能保勲烈於上繼事業於下
包前慶以滋大食舊德而日新者蔚州有焉公諱某字某
其先茂陵人在堯舜揖讓之盛則庭堅作士而五刑五流

堯明伯益作虞而草木鳥獸咸若在殷周質文之極則造

父啓風

疑作
封

而秦始皇大宣孟作忠而晉蕃衍此其泉源之

奧焉泊炎靈反動伏波爲漢室天柱文教中興南郡爲孔

門

一作
聖

木鐸此其祖宗之表焉在皇朝松安雋鄣四府都

督隴右節度加郿鄜三州刺史右武左武二衛大將軍扶

風公食邑千戶贈光祿卿府君諱正會公之曾祖也左司

禦率府兵曹參軍贈太子少保府君諱晟公之祖父也四

鎮北庭涇原鄭穎等節度使開封儀同三司尚書左僕射

知省事兼御史大夫扶風郡王贈司徒太尉府君諱璘公

之烈考也於戲在玄宗時太尉仗劍萬里建績二府實獵

邊陲振揚公聞七戎六狄莫不內侮蓋神貺靈慶公生伊

西寔忠精是感也在肅宗時太尉乃唱大義以踰絕域提
一旅以應王師既清西夏乃定有洛功盖郡帥勲在二京
公與母弟績戀于大荒來寧上國覩茲盛業寔勲烈有嗣
也在代宗時太尉乃總大兵居上將載雲旗控朔陲旄頭
銷于昇穀蟻聚遁于虎落業揮而載氣鬪戎旃火烈其威
金聲方革羶腥不敢邇邊者十年公實耳日旌門手足闔
壺萬鍾之賦自我以財威七校之雄多予以暢遂寔父蠱
裕而天寵浹內行積而公議歸也故公自初命四遷至太
子左贊善大夫歷光祿少卿左饒衛將軍從祖司徒節制
太原奏統中軍兵馬拜左衛將軍武陵王尋加御史丞丁
內艱起復右衛將軍兼雲州刺史大同軍使遷代州刺史

石嶺鎮北兵馬使代北軍使爲本道所請復將中軍兼御
史大夫遷蔚州刺史橫野軍使代北都知兵馬使嗚呼公
之致身也以言乎天性則挺竒表於勁俗叶嘉慶於神州
徇國可以彰忠克家可以明孝以言乎朝容則階貴胄以
統環衛著通籍以履周行仍朱戶可稱赫翼宸居是謂嚴
重以言乎邦正則本慈惠以撫三郡導滋殖以厚萬人乘
塞寢柝智也告終罷市仁也以言乎戎律則盡瘁以被乎
戰陣戮力以承其師帥書功在代郊一作書功可不曰勇
哉啓手足歸全可不曰果哉總衆美而可覆恤平昔其故

一作在方一作有茂實諗無媿辭夫人南陽郡樊氏故侍

御史衢州別駕晁之女之死之歎母天莫移嗣子前汾州

平遙尉澹次泳湘漸汭深免喪之哀心目皆瞿長女歸濮
陽吳曾次服沙門之教次歸汝南周邕泊幼女三人婉稚
年以室處公之令弟皓右神武軍將兼御史中丞稟天策
以警紫垣統禁旅而環黃屋貞忠一德向力帝家存沒永
違茹哀天壤次晞前太常寺奉禮郎次擘前揚州參軍並
耀弘文館明經盛矣夫光祿之威愴西陲少保之道高齊
俗太尉之神扶聖祚君侯之惠敷朔郊將軍之忠衛宸極
君子曰田宗三王彼可全矣石氏萬石我何謝焉嗚呼非
夫人明柔慈愛孰撫吾室非愛弟仁厚忠肅孰昌吾族而
諸孤能承佐先軌懼隕厥問周爰叔父之仁旨載王景行
之遺烈敢稽代緒以表道周銘曰 將星有耀燭天煌煌

武庫多材我宗最良在昔光祿登壇保疆乃擁節旄以
河湟左衽畏慕右地雄張降及司徒其道大彰遭德孔艱
致命一匡旣復區夏乃軌豺狼彤弓專征元戎啓行實倡
尤牧以定四方賢哉長嗣居焉廟堂庸勲是承父子皆王
再秉龍韜中軍以揚出援魚符北地周康古人有言過逸
前光令子罔愆繼序不忘精騰魄復天望地藏高墳揭然
豐碑在旁雨露旣濡松柏蒼蒼獨有代功著于縑緗

南平郡王高崇文神道碑

韋貫之

唯聖奉天刑奮神武振起隆平之運者非得臣無以成其
業唯賢抱英略任艱難垂鴻不朽之績者非偶聖無以展
其材故欲理之主興則佐命之臣出天人之際厥有明之

一作應期感發若合符契皇唐十一葉明天子受位將懲

禍于四方天錫以忠武之臣登翊鈞衡贊揚威烈此聖賢

相遇者以其天人合發之運歟侯誰膺之則南平王其人

也公諱崇文其先齊太公之胄自敬仲得姓而望於渤海

及容止齊高止字子容奔燕或家於范陽今則為幽潞人也奕世

以禮義傳家法至公七葉無分居異財化行於鄉黨開元

降制使存慰及旌表問問者咸至於再曾祖藝朝散大夫

試汴州長史祖夔試梁州司馬贈梁州都督考行暉正議

大夫試懷州別駕贈戶部尚書咸晦名垂裕慶不在其身

公鍾天之靈發地之秀膺時之傑起聖之期幼觀儒書不

屑章句雅尚義節制存功名遂學兵鈐習騎射術窮秘要

藝擅國能天寶末胡夷之難因投筆硯事平盧軍偏裨隨

鎮淮右寶應中代宗避狄陝服公從戎師父赴難行營扈

蹕還京策勲居最其後智光之稱亂陰晉靈曜之倂擾大

梁崇義之負固襄漢常卒疑作率別部為前鋒功冠諸軍累

官執金吾太常貞元初始授陳許節度都侯及領所部隨

韓全義鎮長武城神策淮南陳許浙右四軍同戍公總其

侯奄之任臨下簡肅士衆悅而歸之尋加開府儀同三司

始受蒲壁啓封渤海五年敗犬戎於寧州軍師書勲授節

制之號公亦遷職而進封為王及全義還朝委以留務四

遷至御史中丞十四年遂為長斌大使卒伍貫于素隸紀

律明於先令劃壤為寨風塵不驚徹田為糧榛荒盡闢訖

五六載昆夷不敢東顧邊城晏閉二十一年就遷御史大夫自至德已還天下多壘擁旄守土者至五十餘鎮每主帥就世將吏有得其柄者多假衆怙力以求代襲朝廷每不得已因而命之是歲也西蜀戎師相國韋公其佐劉闢將踵武前事乃拒詔命逼協使臣圍逼梓潼爭據劔門之險今上深惟宿弊將一戎衣以正四方謀於廟堂宰臣社公黃裳贊定其策因薦公可任大事元年正月拜工部尚書右神策行營節度總護諸將便道南征公之在鎮繕甲兵勵士卒常如待敵及奉詔而至即日進路三革五刃無不完具前軍剋劔閣遂解重圍危城載邑失地全復即授東川節制轉兵部尚書左丞奮師敗劔之餘當芟夷焚蕪

之後附巡創痍懷輯逋離敷愷悌之仁起常傷之氣義爭奮羸餓者來蘇賊衆退保鹿頭我師進至羅江縣相拒半舍自五月至於仲秋小戰則小利大戰則大利奪其險要挫其銳氣賊乃堅壁不敢爭鋒然而憑高阻深綿亘十里我攻彼守衆寡相懸候便宜曠歲月則傷財留費稽我靈誅乃表請濟師以圖大舉及軍繼至則分命勇銳入其心腹絕其餼糧介於連壘之中而軍焉且俾申輸前詔開約降之路其大將仇良輔等執送闢子方叔及婿蘇強率一作四萬餘人束手候一作命公乃俘二孽以獻釋將卒之縛復授以兵俾還龍壘無彼我之虞軍吏咸有獻疑謂非受降之道公曰彼逆以迫兇威父母妻子爲其劫質今

既窮歸貫死夫何懼哉遂使降衆先驅連營旅進闢率餘黨奔於西山公遣大將高霞寓鄺定進以輕騎追捕及位

疑于陽

二唐書作羊

灌田闢奔馬投江二將倒戟而出之遂擒

以至械送闕下行獻告之禮而戮焉公入成都申嚴禁令無敢侵掠市不改肆農不易畝百姓感悅如霽重陰而熙愛日也又以天子恩澤布于一方脅從誑誤者咸宥其罪

斬賊將邢泚以狗曰莫如此偽劾誠款陰持兩端三軍接餼如振塵埃而濯江漢也粵以十月遷檢校司空領全蜀

十有三州外達諸蠻成泉安武

一作撫

賜實封三百段

本傳作戶

封南平王侍從之臣紀功篆石建碑于鹿頭之下蓋今相國裴公之詞斯爲不朽矣是役也師人貨費皆仰給有司

量倍僦直歸于幕府凡計緡百四十餘萬其用未半而

難平王者請私贏公曰有土實可以奉軍國財非所宜隱

盡命列上歸之縣官時蜀之府藏竭無以賞功佐吏請重

稅編戶公曰恩未及而遽徵斂人將不堪但命閱簿書籍

逋責得以備用昨不益賦吏無敢欺公常欲斥西戎復涼

隴自居益部亟以急病爲請願守邊陲天子壯其忠且將

附以一面之寄乃授相印仗鉞於邠京西諸軍都受統制

邊城動洽威惠故以不約而信不令而嚴居三歲戎政允

理將朝於京旣而有疾猶扶強首路則以展軔効駕而大

病至焉以元和四年九月二十有五薨于官享齡六十

有四軍府哀慟如喪親戚皇情震悼不聽朝者三冊贈司

徒賙以米粟布帛有加常等禮官考行謚曰威武明年正月二十日葬我司徒南平王於萬年縣設奠於國門之外百官成位弔哭以送君臣之義厚矣哀榮之禮備矣夫人董姓汝州長史同彌一作珍之女正位中閫佐佑仁賢翟第未榮鵲巢空在春秋三十有一以大曆十有四年五月一日終元和三年追封郇國伯茲啓殯淮右從公于居嗣子金紫光祿大夫行思王傳上柱國上谷郡開國公食邑二千戶士政次子檢校秘書監兼御史中丞士榮季子左衛率府胄曹參軍士明漸清義方事由忠孝保持門戶克續家聲君子知南平之業爲不忘矣惟公氣勇烈行易直內器劔距外不矯飾其治戎也持重有節制信賞以勸之明

罰以齊之嚴不近苛苛必令

一作令

正每臨敵制變勵如猛

獸一作鷲

迅如風雨啓行助雷霆之威斷後保阿山之阻故

攻無不剋守無不固其牧人也使之蠶而衣稼而食不奪

其時不竭其力載其清淨一與休息故不能親舉而潛飲

其得蜀川隆富首冠藩服我以功而居有之是宜保尊榮

安暇豫矣然而不屑寵利狗國損躬振高風激時弊子文

逃祿去病辭第訂之於我彼何瑣細四紀事軍旅百戰成

勲庸遭逢盛明升受鼎鉞有賢人可大之業張聖后神武

之威獨立一時我無慙德自迴飾南藩作扞西鄙朝廷以

之倚仗四國以之瞻仰貪亂稔禍者竊視惕息徹其邪謀

嗚呼天不憖遺奪我何速公之冢嫡以貫之常學斯文謬

掌書命授以不刊俾傳信詞採遺烈於世家無慙實錄奉
孝思之誠託有愧當仁式表新阡永昭神道銘曰 幽朔

之都浸遼鎮碣氣象盤鬱英靈峻發克生南平挺為人傑

幼秉忠壯蹈茲武節韜畧懸解藝能貫疑作冠絕天寶季歲

胡夷猖獗爰執干櫓遂從征伐屢償豺牙頻探虎穴勲名

克樹爵祿有列惟天因人惟人奉天惟賢侑聖惟聖資賢

靈命陰騭有開必先自昔多難方隅擅權操兵襲位四紀

之年光燦我后雅斷精堅將致武訓俾夫頑遷蠢爾庸蜀

負險專地帝謂南平總戎為帥式遏亂畧輔成吾志南平

秉鉞如火烈烈取彼兇孽獻于天闕式其恬亂必寘夷滅

萬邦震驚九截荒札樂土全蜀任雄一方南平蒞止匪居

匪康我懷急病整守西疆帝庸嘉信于邠斯鎮受委戎統

登榮相印鼎餼方餽干戈未衅任重道遠時行運窮舟移

巨壑日下高春摧藏壯氣惻愴遺忠縛禮歸厚明思有融

哀哀令嗣克孝惟終篆記樂石昭明世功奮乎千載式是

英風

文苑英華卷第八百九十二

文苑英華卷第八百九十三

碑五十神道一

職官一

北省一

齊黃門侍郎盧思道碑一首

唐紫微侍郎贈黃門監李义碑一首

右散騎常侍徐堅碑一首

齊黃門侍郎盧思道碑

張說

有齊黃門侍郎范陽盧公諱思道字子行涿州人也其先姜姓世胄東海別為盧氏家于北燕自漢世中郎將植至侍中陽烏徵君之子稟天靈傑承家令執清明虛又磊落操奇亡不詭隨行不苟合遊必英俊門無塵雜至於求已

勵學深道觀粵思若泉涌文若春華精微入虛無變化含

集作合飛動斯固非學徒竭才仰鑽之所逮也事齊歷散騎

侍郎以翰林直中書中廢復進至給事黃門侍郎待詔文

林館武平末天子總兵禦寇太子監國于晉陽公留綜宮

朝兼典樞密及皇輿敗績於外而百寮蕩析於內公節義

獨存侍從趣鄴告至行賞授儀同三司入周除御正上士

定省歸郡郡人祖英伯作難公脅在其旅幽都既平玉石

將燎賴元帥宇文公舉以舊有令開引謁因命草露板立

就駭其麗異其敏釋於齊斧之下相于郡士之上除掌教

上士隋高祖爲丞相也遷武陽太守以母老乞解職優詔

許之後復徵爲散騎侍郎奏內史郎事隋開皇六年春秋

五十有二終於長安反葬故里凡更臣三代易官十七再

降一免二去職八平除擢遷者四而已公處屯安貞賦詩

頽飲視得失茂如也臨難無懾在黜無愠危不去主任不

違親休明有賓禮之盛顛覆無淪胥之禍其大雅者歟夫

禮義損益公能言之故與熊安生詳訂定齊禮三墳五典公

能讀之故與薛道衡侍學諸后公國華人望光照鄰邦故

所居之朝應對賓客脩辭抗議允執其中故青瑣黃縑二

代咸掌大名之下豈誣也哉昔仲尼之後世載文學魯有

游夏楚有屈宋漢興有賈馬王揚後漢有班張崔蔡魏有

曹王徐陳應劉晉有潘陸張左孫郭宋齊有顏謝江鮑梁

陳有任王何劉沈謝徐庾而化齊有溫邢盧薛皆歷代

應翰林之秀者也吟咏情性紀述事業潤色王道發揮聖
門天下之人謂之文伯於戲國有校家有塾祿位以勸風
雅猶存然千數百年群心相尚竟稱者若斯之鮮矣才難
不其然乎然則飛黃虛騁百轡遺路鷦一作鵬天運萬翼
無階文士擅名當時垂聲後代亦云乎才力之絕衆故爾
開皇以來百三十餘載天贊唐德生此多士公之玄孫曰
藏用濟美文館重祿黃門永惟衣冠子孫邑里多改先人
封樹歲久將平乃假詞菲才刊石表祿庶乎涉齊地者不
薪柳惠之隴過邢山者無或子產之墓至矣乎盧氏之子
其用心也遠矣銘曰

或或黃門實天生德才蓋一世榮聞四國文王既沒文在

人弘公為宗匠當朝與能龍躍春霽風鳴朝昇或頌或變
或雅或承理以神合聲以妙徵高視睢渙與君代興人之
云亡十有一紀斯文未喪施于孫子新作豐碑德音不已

唐紫微侍郎贈黃門監李又神道碑 蘇頌

世稱李公德為範言為師行為則事為程於戲彼之四者
吾以一貫及值緝熙之運懷廣大之業天下謂之登相國
踐台司竟而此位不躋亦公之譽一作助也若季孫何訪不

對者宣尼季子可法以書者文仲夫如是故聞其風志其
道粵未量已公諱又字尚真趙房子人也伯人侯曇裔孫
侍書勁十一世孫自咎繇虞臣老聃周史純嘏之烈清華
其冠曾祖彥博振威將軍光州固始令祖惠明弋陽西曹

椽熊州司倉書佐父大智闡州新政令公貴達追贈濟州

刺史以昭孝焉北臨代有恒岳東注彭有泫水漢地理志趙泫氏縣

有泫豈恒之寶泫之精矣何奇士之不乏而我公誕生歟

公幼而閔凶弱不好弄十一從學極奧研幾十二屬詞含

商咀徵中書令薛元超謂人曰此子必負海內盛名十九

郡舉茂才策第考功郎劉思立一見又如之調補潞州壺

關婺州武義尉羈雲逸而在泥蟠也秩滿詣選吏部侍郎

蘇味道偉藏器而嗟韞櫝也特受藍田尉又策高第累遷

乾封萬年尉雍州長一作史薛季昶視事咨謀推誠悅服

主畫諾而班詔書也擢為監察御史歷殿中侍御平而不

頗疎而一作不漏與御史令黃門監漁陽公承旨鞠偽發

蘇除惡刑以矯末禮以教中有若决瘡潰癰焚符破爾

龍中葉靜能諂媚妬權勢傾人自謂金鼎可期羽衣而

立功劾奏其僻中宗原而宥之不肖者懼不仁者遠無何

加朝散大夫遷尚書司勳左司二員外右司郎中中書舍

人立義起草司言揮翰蓋閑練而芳蔚也遂兼長一本作

歐陽修書南齊海陵王墓銘題長兼中書侍郎昭文館學

士雲龍待問天馬成歌群士躍鱗繁公稱旨太子上即位

檢校吏部郎中正關鍵端也持刀尺審也建是無撓翕然

有聲二歲遷黃門侍郎加銀青光祿大夫進爵中山郡開

國公食邑二千戶四歲轉紫微侍郎掌制數月兼刑部尚

書明年正除檢校尚書校郡國考績凡二歲古之邁迹垂

長

憲選賢與能多矣抑揚者或齟齬爲心塞默者或籛蔕爲
貌介無不執執則嫌於偏柔無不通通無惡於善士君子
患也公列近臣居常伯則不然秉彛德徹乘一作垂理錯綜
平狂梧按倫省忠而公信而順謀始而作慮先而動明可
照肝膽精可折毫芒議必當而刑不放也故邦釋令典公
敷大猷粗舉凡矣聖人迪謨訓書簡冊惟文乎公掌司綽
握鈇槩典可常而史不隱也聖人鞠師旅繕甲兵惟武乎
公賦其車蒐以噐居有禮而用有神也聖人訊法約疇事
省惟清乎公削煩苛節更筭著諸令而便於宜也聖人核
藏否甄黜陟惟明乎公差九牧區五等措諸枉而舉於直
也夫文武以序清明以成斯事體大與時偕行行之我公

則無遺矣嗚呼我公何不壽矣明靈罔恤閭忽而殂享年
六十開元丙辰歲仲春癸酉薨於京師宣陽里築旒冕震
悼衣冠痛惜秦里奚鄭子產烏足擬哉制贈公黃門監絹
布三百疋米粟三百石以賻之太常考行曰貞宜矣公每
誠其子師於薄葬有子寧等五人並喪過乎感奉遵先旨
不敢隳廢韋賢業儒竟遷魯國杜預知禮自表邢山故寧
等以其夏丙申卜葬長安細柳原東北望帝京二十有五
里償其志也柩旣引戶部尚書東平畢構少府監吳郡陸
餘慶散騎常侍扶風馬懷素黃門侍郎清河崔泰之洎紫
微侍郎武功蘇頲祖於延年門外舉觴言曰不還故鄉達
也別於此路窮也孰云中山寧厥后土非此公之爲慟吾

誰慟乎服馬悲鳴而不前行人涕泣而相向僉以頹者公
稱知我我謂之甥固嘗揮斤見期必使刊石為事頹則不
佞曷於是重相泣謂曰我輩見中山弗冥冥隨行弗察察
從政弗執利邀寵弗夸毗耀榮無躁求無苟得結友朋義
也誨子弟仁也薦賢畏其知聞善若已出急於病讓於夷
輕於財重於施迺中山之度矣所著文集成六十卷五言
之妙一變乎時流便清婉經綸密緻猶樂簫韶工黼黻也
至於心疑風味神嬉景華奕碁不孤絃酌相伴樂然有地
貴豈在人奈何則亡不可復見因更為長慟俾愚叙之黃
門監漁陽公盧公居世有閑散之任與公有范張之密強
學偉詞蓋撰其實也遂作頌云

龍德周史龜文漢相鼎鼐遞襲簪纓相望常山之英泫水
之精代稱不乏人惟持生其一鯉趨成訓敦詩闕史鴻漸于
磐陟遐自邇斲勞州郡俄拾青紫王佐之才一日千里其二
高遊省門近侍軒墀守位以正行已無私無私伊何惟忠
是効以正伊何臨事不撓其三八座爰踐三階未陟如何不
臧景命云極中夜嬰癘崇朝孔亟縱壑摧鱗靡霄墜翼其四
如水之清如玉之貞如衡之平如鏡之明應享年以介壽
何短畧之先傾晉喪名臣兮羊公見哀於武帝鄭有遺愛
兮尼父掩泣於僑卿其五歸無途兮往不返歲將晏兮逝水
遠一作彌遠南山南河往不返可奈何日運星廻天長地久旌
芳宣懿無非舊友其六

故光祿大夫右散騎常侍集賢院學士贈太子少保東海徐文公神道碑

張九齡

夫物之所宗也莫善乎德行道之以明也莫先乎文學人倫以其體為一作者難世業以齊美為貴有能兼之者其有

在東海公乎公諱堅字元固其先東海郟人永嘉之後仕

業南國因家吳興焉隋氏平一作縣陳徙族一作楚族入雍今為

馮翊人也原其伯繫平水土實佐文命偃王行仁義大啓

徐方因國保姓克昌厥後逮乎漢魏間出仁賢十二代祖

晉江州刺史順德簡侯寧至五代祖梁直閣將軍慈源侯

整整生陳始安太守綜綜生隋延州臨真令方貴方貴生

唐果州刺史孝德孝德生唐西臺舍人贈禮部尚書齊

出入六朝載祀數百文武冠冕存歿光靈訓子克家謀孫

必復賢風儒行世有其人公即尚書府君之元子也生而

濬一作峻發默識經藝粵自童齒則善文言時先府君為沛

王侍讀公之岐嶷聲振平臺王聞而延佇與之談議授簡

能賦博奕惟賢門客府寮深所厭服奄遭不造十四而孤

祖母金城郡君姜太夫人念其聰異誨以志學公遂刻勉

詣心精微磅礴九流激昂三變景倩幼露實賴愍孫令伯

大成抑由祖母上元中遭姜太夫人喪哀幾滅性制則從

禮有感斯絕無聲常淚服闋州辟秀才其年登科解巾補

汾州參軍事部送邊糈至于定襄軍使王本立素重公才

署為管記書奏謀筭悉以咨之坐耀鋒芒未嘗肯察尋而

換雲陽尉萬年主簿親累出為楊府功曹振鱗將搏載躍

京轂垂一作乘翼遠逝有聲東南俄遷太子文學時秘閣群

籍大抵訛謬有勅召學士詳定公實在焉為之刊緝卷盈

二萬時輩絕倒伏其博遠尋與李嶠等撰三教珠英書成

奏御拜司封員外尋加朝散大夫即拜郎中稍遷給事中

以公代及文史詞不失舊雖居鎖闥尚比纏一作墨牽遂除

中書舍人君子曰舜之官人也二年勅公修則天聖后實

錄及文集等絕筆中宗嘉之璽書敦蔚賜爵慈源縣子賚

物五百段旌良史也遷刑部侍郎一作郎中加秩銀青光祿大

夫轉禮部侍郎兼判戶部一有侍郎二字公久踐朝廷累登省閣

舊章必練即事無疑雅不煩文深得大體雲臺高議以此

歸之進封縣伯食邑五百戶兼昭文館學士受詔與天

僧善隄流至一作志譯寶積經及柳冲等同脩姓氏系錄三

教寶真萬族有倫亟見成矣太平公主內秉國權駙馬武

攸暨外收人望命公至第拒而不行惡夫佞也景雲初今

上夷亂主鬯東朝宮相四員時難其選二以宰臣兼領一

則天子故人任良兩宮一作物官實在公矣遂除右庶子兼崇

文館學士修史如故進爵東海郡公食邑二千戶遷右散

騎常侍以本官兼黃門侍郎尋而即真祿賜同三品爵崇

五等道茂兩宮利君謀身舉代皆譽又以刪定格令承恩

進爵二等公請回授叔父齊莊帝用懷之遂封莊為長城

縣子天下義士莫不激昂一作節焉侍中岑羲公之姻婭與

其聯事深自危懼求典閣司以遠祗悔遂改太子詹事迨
義禍敗地絕嫌疑先是不交定王及此不昵岑氏見炎莫
附思患預防信達人也復以親累出為絳州歷永新棣衢
四郡山川公位一作立楚夏異齊一作同公政不易宜教以因
俗德化歸厚人共由之開元中會同京師遷秘書監無何
轉國子祭酒皇帝古籍古崇訓開堂集儒以公才學元
長命登首席遂令集賢殿修撰又除右常侍以公為學士
副丞相燕公知院事綢繆顧問日月獻納溼恩尤及少有
其北上將柴于岱宗詔公草其儀注定禋一作禮祀之位廣
配類之儀博文約禮或設或革言出而人伏事立而天從
時義遠矣及禮畢承恩特加光祿大夫時置十銓公在分

舉程不愆素且無遺才公既贊相謨猶從容諷議大鍾

諫一作鍊温樹不言啓沃盡規一作知實致君於堯舜死生有

命空比德於老彭享年若干以開元十七年龍集巳巳五

月丁酉薨于長安放政里之私第聖人震悼君子稱嗟翼

日有詔褒贈太子少保贈物若干段粟若干石特遣一作降

中使內侍伊鳳祥弟祭而別賜布帛若干端足俾鴻臚少

卿元一作源復監護葬事官給鼓吹儀仗太常考行曰文君

子曰仁而愛人敏而好學家有榮業紹其弓冶國有大事

脩其典章謚之曰文不亦宜乎以其一作某年終甲子與夫

人故南陽郡夫人合葬于萬年縣之少陵原之先塋禮也

公寬裕有禮温良能斷智出于象一作事外樞得其環中德

之積也厚名之立也大故起自黃綬累踐赤墀一作五省

推高連州得最事將時並位一作與才借莫之天闕也至

於升堂入室探微覩奧動有禮樂之運言有雅頌之聲是

惟無作作則萬物一作和而八音備矣蓋嘗注史記修晉

書續文選大隱傳及有文集三十卷皆咨於故實博於遺

訓古今通變河漢共一作高或藏名山或昇天府壘壘然

各得其所嗚呼文仲沒而其言立子產終而遺愛存公則

備焉宜受戩穀保又厥後代代守之有子曰峻嶠嶠等才

以雅著孝以特聞學茂交會之科古詞雄祖考之風格備

曆清貫皆立能名三賢德聲方賈氏無愧累葉儒訓與班

門孰多咸瞿瞿如皇皇如昊天不迨終身積痛永舊撰實

勅諸墳道僕從述者之後敬而伸之乃為銘曰

舜命益虞疇功帝俞偃王文教代集一作通儒光華鼎闕

一作出入秦吳門多長者君其最乎其曾是好學果行洵

美日就一作鱗成風積鵬起黃綬履簪朱門方軌宮籍正

人朝稱良史其二入承明五遷外郡道有出處心齊喜慍

帝思啓沃國尚師訓屢獻箴規備承顧問其三居常有異博

而無惑綿蕤孫通詮衡叔則為龜為鏡立言立德故不慙

遺左右王國其四悼興旒冕哀結衣簪官供羽仗士惜人琴

已矣終古平生德音松枝挂劔碑字生金其五

此篇一作皆英華元文今以集本為正





